



ル 5
3258
36



門 儿 5
號 3258
卷 36

黃州府志卷之三十七上

黃州府知府英 啟纂輯

藝文志

集部 詩附

宋

潘大臨 字邠老黃岡人傳詳文苑

春日書懷

舟楫凌漳水風濤接蠡湖龍媒成跬步驪頷脫微軀樂土供遊戲
深文苦縶胸中雖塊磊牆外或歌呼老去嵇生懶歸來谷子愚
千鍾真臭腐十畝借膏腴春雨何曾密園花竟自都小橋藏細柳
方沼出新蒲酒熟拈巾漉芹荒帶雨鋤行盤隨所有坐客幾時無

黃州府志

卷之三十七

集部 詩

昭和八年
十月八日
購求

日轉槐陰暮門通鳥徑迂仰頭看哺鷄引手亦將雛撫事益繰繭
勞生戶轉樞形骸浮大塊毛髮燎洪爐世論幾膠柱人心盡好竿
屠龍非至計射雉屈良圖借箸方隆漢推枰已滅吳從渠畫麟閣
吾自著潛夫

答王立之惠書

歸自江南卽定居漫勞親友問何如剛腸肯爲藜羹轉病骨聊憑
竹杖扶南圃土腴千樹橘東湖春水百金魚明年生計應堪說待
倩君侯買異書

林敏功

字子仁蘄州人傳詳隱逸

寄夏倪翁

嘗憶他年接緒餘先生落魄我迂疎溪橋幾換風前柳僧壁猶餘

醉後書

林敏修

字子來蘄州人傳詳隱逸

詠張牧之竹溪

幽閒古城陰結屋清溪曲溪流堪回映上有青青竹漫郎欣得之
綠髮詠空谷高風及前修勝趣隨遠矚惡客徒擾人立談非我欲
麾去甯汝瞋真意聊自足或言不當耳往往相謗譁答云豈吾私
恐作林泉尋源流別涇渭臭味同草木肯當百事勝容此一物俗
獨餘嵇阮輩蕩槩戒臣僕濁醪澆古胸日沒還秉燭僕忝瓜葛後
意氣頗相屬平生幾兩屐共老三徑菊行年事無定此計諾已宿
徑須買牛衣閒亦荷書籠從子竹閒遊溪魚剝寒玉

梅應春

字雪樵廣濟人寶祐丙辰進士傳詳宦蹟

黃州府志

卷之三十七

集部

詩

二

復瀘凱歌 二首錄一

重壁山前瑞色開，浮環夜渡捷騎來。一旗金鼓轅門曉，喚得滿城生意回。

梅國淳 字作所應春子傳詳隱逸

辭薦舉

野人不慣服冠裳，散髮披襟興味長。他日麒麟應有援，願留蘇武牧羝羊。

明

吳琳 字朝陽黃岡人傳詳宦蹟

開化道中

重岡狹路倦登臨，喜見溪流漾碧深。楊柳樹邊舟小小，海棠花上

雨沈沈。一春王事過三月，千里家書繫寸心。無補盛時糜好爵，不才端合老雲林。

陳溱 字濟寬蘄州人正統甲子舉人傳詳宦蹟

蘄城值雨

天意含愁不放晴，鴻洲煙雨暗蘄城。江邊蕙苴忠臣憤，湖上松楸孝子情。龜鶴何年開壽域，鳳麟千古應文明。傷心龍眼磯頭水，也為英雄帶恨聲。

董樸 字汝涓麻城人成化甲辰進士傳詳宦蹟

閒居

投簪歸舊隱，家近釣魚灣。地僻塵蹤少，林深鶴夢閒。知心有流水，得意是秋山。檢點從前事，多因可汗顏。

李文祥

見前古文

登岳陽樓次西涯先生韻二首

萬家煙火擁孤城一上高樓百感生
檻外雲山鼇足重坐中仙客羽衣輕
凌空欲灑思鄉淚見日終含獻曝情
往事悠悠東下水夜船燈火枕江聲

飛樓縹緲瞰江城仙境清遊愧此生
萬古乾坤雙鳥道百年身世一毛輕
近天敢必驚人語對景空餘育物情
漫道魚龍真寂寞夜深猶聽管絃聲

過黃河

清秋一騎夕陽過南北悠悠此渡河
地擁好山多怪石風來淺水亦深波
十年塵思青燈共千里鄉心白髮多
自愧不才應賦畝車

旌終日欲如何

王廷陳

見前古文

擬矯志篇

蛟龍雖困不資凡魚鷺鷺雖孤不配鶩雛
雖有香草當戶必除雖有仁人在敵必誅
狐白雖美炎暑必置舟車之用易地則棄
蕙蘭不采無異蓬蒿干將不試世比鉛刀
以驥捕鼠曾不如狸餓夫獲璧不如得糜
郭生純臣魯連高士彼乃登臺此則蹈海
甯直見伐無為曲全甯渴而死不飲盜泉

壯士篇

少年學劍術英風聞九州慷慨出門去
辭家將遠游遠游欲何之炎荒為我仇
昨聞遣飛將召募何時休國威有不揚
無乃壯士羞

奮矛如迅湍拔距踰亭樓猛氣伏羆虎勝躍捷獼猴置身百戰場
妻子不顧留性命良足憐聊以紆主憂揮戈盪蠻煙飲馬江漢流
餘勇萬人賈雄傑無匹傳功成獻大廷賜爵位通侯

楚岸吟寄牟子

楚岸長楊垂至地百鳥嬌啼春欲醉晴絲冉冉墮碧空風光頗爲
遊人媚我家黃子國君住鄂王城大江東下雲霧接滔滔應瀉故
人情憶初同領南宮宴白馬青袍花映面本期霄漢并翱翔甯知
世路多更變我歸十年前君歸十年後榮華顛倒若夢中人情翻
覆無不有安能顧墮甑自令心不開陰巖積古雪白日何當來我
將振衣從子游請君灑掃鸚鵡洲遲日經行桃竹杖煙波搖漾木
蘭舟須令漢水變春酒更遣大別爲糟邱蛟龍自吟鶴自舞仙人

鐵笛沈高樓留連坐待明月上翠娥懽飲來沙頭竹林諸賢真瑣
瑣高陽酒徒安足儔吁嗟此會難卽得使我悵望無時休君不見
楚宮寂寞臺殿荒歲歲東風開野棠三閭憔悴行吟處千古猶傳
杜若香丈夫眼底安足計君行采采莫相忘

寄上富順王

南國諸王館池亭獨有名楚風蘋末動淮月桂叢明中物醒先析
當天暈已生無令爲善樂專美漢東平

贈桐岡郭侯

依依山郭枕江流藉藉專城頌細侯高士獨過頻下榻公卽竹樓
爲禮賢堂
復扁其下
日下榻處自公多暇一登樓深恩久結黃人愛苦節真分漢主憂
躍馬忽看朝帝去攀轅何計望君留

初歸故園作

結髮負奇志辭家作遠游一言侵絳灌萬死脫幽囚倚伏虛疑鵬
光芒隱射牛敢云疲漢戟實已敝秦裘習隱希元豹忘機對白鷗
生涯惟素業吾道已滄洲

山莊雜興 十首錄二

老夫諳稼穡次第葺園廬對酒唯田父呼門絕里胥桑麻經雨後
花竹宛秦餘如此生涯足何勞薦子虛

天地一虛舟浮沈雙白鷗半生從失計萬事不關愁山月杯中映
江雲几上流狂歌人莫測吾興屬滄洲

鄧楚望 字震卿麻城人嘉靖己未進士傳詳文苑

齊安雨夜思歸

獻楚傷難遇在陳不可留停雲生遠夢聽雨亂鄉愁芳草客中路
春風江上樓無端羈旅思白髮對滄洲

張步雲 字子龍廣濟人嘉靖辛酉舉人傳詳宦蹟

送寇巨源讀書盤谷

燕山十載君為客縱別燕山不是家俠骨但知求死友雄心那復
問生涯青樽夜醉城頭月綵筆春生夢裏花此去盤溪三百里好
因回雁寄瑤華

寄吳明仲給諫 亮嗣

白髮誰憐一病身已經八十五回春攜囊覓句心猶壯隱几看書
字未真時事暗隨流水盡物情偏逐歲華新蕭蕭委巷無車馬惟
有青山是故人

送寇巨源北上

春風匹馬人千里細雨青山酒一樽
白首故交成遠別不看芳草亦銷魂

熊

吉字子敬麻城人嘉靖時歲貢傳詳文苑

茅簷歌

北有汾陽第列區如屯雲東有猗頓宅樓高堪摘星
投轄延賓客連房停娉婷燈火通重院笙歌隔畫屏
一朝主人去散逸如漂萍燕泥落空梁流螢度閒庭
朱門晝常掩綠窗晴亦暝盛衰固物理推移若轉輾
謙盈鬼所伺淵默而雷霆哲人戒盛滿君子畏幽冥
茅簷曝旭日感慨長不停荆婦具卯酒霜橘有餘馨
陶然醉一覺吾已忘吾形

寇學海

字巨源廣濟人傳詳文苑

秋夜有懷張子龍計部

秋氣來何慘中宵獨倚欄
驕懷成感易失路傍人難蕭瑟庭柯下徘徊
簷月殘美人在何所歸夢繞江干

寄兄

漂零客子三千里誰信家鄉夜
夜還青草池塘成句易秋鴻天外寄書難
風塵偃蹇遊將倦歲月蹉跎鬢欲斑
猶恐語言都變盡得歸莫問舊時顏

邱謙之太守自蜀謫歸奉寄

五夜相思過錦城忽聞遷謫不勝情
自憐客路同王粲誰信明時放買生馬
度劍門秋日短猿啼巫峽暮雲平歸來
憔悴逢漁父勿

黃州府志

卷之三十一

集部

詩

七

復江邊說姓名

舟中夜聽風聲兼懷子龍先生

落木蕭蕭動客哀
高天孤雁帶沙來
波濤晴湧三巴雪
風雨遙驅七澤雷
夢裏驚魂疑市虎
望中信使滯江梅
於今雅道同東逝
誰向頽波一挽回

朱期至

字子得 蕪水人 萬曆甲戌進士 傳詳文苑

送胡之驥還蕪水

案之驥 蘇州人 流寓蕪水

雨雪千村暮江城
一騎還故人疏白
髮吾意卜青山游
俠羞看舌憂愁強
破顏乾坤詩句在
那惜路閒關去楚
仍殘臘遊燕又隔
春他鄉惟我共故
國傍誰親野墅江
天遠柴門烏雀馴
相看俱老大見訪
莫辭頻

汝去詩應滅何人爲破愁
客邊惟一僕江上有孤舟
對酒歌殘雪還家話遠游
卜居吾儻定蹤跡肯他留

周宏禴

字元孚 麻城人 萬曆甲戌進士 傳詳宦蹟

乙酉貶代州壬辰貶澄海俱旅宿高碑店

風塵何處問銜杯
南海浮槎更可哀
古道垂楊應笑客
逐臣何事又重來

王大謨

見前古文

送寇山人南還

君自雄風擊大荒
高歌常在酒人旁
昨來見面驚離合
歲暮還家帶雪霜
隄柳欲舒渾到眼
江梅纔放幾迴腸
爲憐薄宦逢搖落
何處青樽共楚狂

貴州府志

卷之三十七

集部

詩

八

梅國楨見前古文

輓熊烈女

楨也神遊廣漠野
眼中有淚不易灑
誰家有女節獨苦
驚看不覺淚如雨
百千恩愛在結盟
結盟為重恩愛輕
一朝夫壻不可活
我身可許股可割
割股事夫即以身
肯令夫死別從人
以口嚙土土欲摧
天地為我收塵埃
以頭觸棺棺欲裂
棺上殷殷頭上血
血汚麻繩還自縊
其如親戚紛相衛
便生只是灰中燼
可憐對面不相信
曉來含淚若為妝
起向阿姑與爺孃
我今從爾勿復憂
但令獨處守即休
回身闔戶聲吼吼
天地反覆山川走
又如雷電礮碎風
雨駛破門已作觸
柱死自古豈無臣
之忠高牙大纛金門
通又豈無婦之節
合歡雙帶同心結
豈如女未入夫門
生死尋常由一言

首陽之薇空復青
汨羅千載流濁涇
倏忽綱常標闕闕
頓令山水生顏色
男兒拚此七尺軀
龍逢比干俱丈夫
仰天血淚墮肝膽
一滴能教滄海枯

秋夜感懷四首錄二

病骨寒先覺愁懷
夢易驚山空家萬
里月闕夜三更積
雪搖燈影回風雜
漏聲偶然思往事
淒切不勝情

偃蹇甘吾拙羈身
逼歲寒攬衣孤月
在敲枕一燈殘白
髮生何易青山到
亦難貧來惟有劍
不肯向人彈

感懷與康權趙徽士南師仲十首錄四

薄俗不可問吾將
還舊廬誰知肝膽
在但覺鬢毛疏野
老徒爭席王門莫
曳裾繇來彈鋏意
不是歎無魚

久客拂青萍相看眼自明一從然諾後便覺死生輕細雨迷山苑
浮雲擁帝京何來二三子差足慰平生

傲骨難諧俗人情已自知久居鄰里熟三逐故交疑搖落悲花片
攀留倩柳絲升沈今莫問未及蓋棺時

楊花風自急未比客愁多世事看如此吾生將若何別來疑白壁
歸去愧青蘿莫是荆高侶相逢得和歌

寄邱謙之

幾經謫宦意如何我亦天涯阻笑歌但有緼袍償酒債絕勝朱紱
照鳴珂夢迴細雨青山遠門掩斜陽白髮多欲向五湖垂釣去不
知何處少風波

平甯夏卽事懷魏尙書確庵時余亦請告矣

卸甲投戈滿路傍家家門外跪焚香軍門忽下坑降令官市翻爲
劫奪場計就平吳王濬老心酬返晉介推藏山中黃石休相笑已
乞仙人辟穀方

王一鳴

字伯固黃岡人萬曆丙戌進士傳詳文苑

蕪水道中

蕪水縣西逢立春馳驅只在大江濱道傍車馬原非客霽後山河
總戀人漫有濁醪勞歲月自憐詞賦混風塵交游卻憶朱公子投
轄辛盤事事新

歸故園作

朔雪朔風日日顛孤帆遠客淮東旋入門忽聞掠雲雁隔樹更有
浮江天靖節五柳貧猶活義方雙桐清可憐開尊不愁不爛醉奈

少沽酒青銅錢

李長庚

字孟白麻城人萬曆乙未進士傳詳宦蹟

奉公出塞

楚北詩徵云蒙赦歸田作

津門回首意如何報國虛愁肉食多鬢髮尙餘關外雪夢魂長逐海中波殘軀自顧驚生柳初服惟宜學製荷但得普天征戰息靜邀涼月到烟蘿

吳化

字敦之黃安人萬曆乙未進士傳詳宦蹟

山居

山寺不聞鐘春寒坐翠茸野雲來萬里朝雨失羣峯天地一飛鳥江湖起蟄龍懸知小衡嶽七十二芙蓉

楊大鼇

字用極廣濟人萬曆庚子舉人傳詳文苑

州胥行

州胥行者民謠也蘄州倅公之署廣濟篆也以州胥百人從蓋馬行鄉曲而令縣胥執鞭也鄉曲人於是

不堪聚而謠曰有是哉則與歌於市市之人既相與和焉而遂此之音

州胥幾夥出縣市千村萬落難迴避男號女泣向蒼天夫走妻亡
匿空樹去年加派催軍餉今年雨久麥漂蕩九年陳稅一齊徵鏹
肌刻骨人凋喪小邑數家無斗大民貧土瘠空惆悵君不見掀髯
大帽胡爲者手挽銀鐙行跨馬攔門呵客無人入府帖雖來匿不
下又不見公門以外無朝煙公門以內聲徹天那有親朋救急難
祇恃性命當熬煎况有永日誰能延愁雲苦霧昏昏然對此吞聲
忽復泣恐有州胥門外立

梅之煥

見前古文

從軍行

三首錄二

黃州府志

卷之三十七

集部

詩

十一

釋褐備侍從擐甲儻行伍雖然貴賤殊臣分無擇取丈夫竭心力
隨在報明主明主恐不知臣今荷弓弩雁且去上林臣冤曷敢吐
杖亦聖主恩殺亦聖主恩不殺復不杖遣戍何足論行行當出塞
爲主瞭煙墩心惻烏鳶啼腸斷固圍魂古戍黃雲深有聲不敢吞
秋思寄楚中故人

塞垣秋草又黃昏定遠何年度玉門頻送飛鴻應有夢不慚怨鶴
亦銷魂白沙鋪月橫塘路紅葉搖霜老樹村念是年時攜酒處莫
教秋雨繡苔痕

吳亮嗣

見前古文

讀劉敬伯見寄新詩一首錄一

顏謝旣已往體物何其難斯人薄時尚清響厲雲端曉露凝春草

海風生宏濶無人事幽采葛屨履霜寒

懷饒十一車公二首錄一

故人貧且病老不問生涯一卷消清晝孤吟對落花灌園思內助
貰酒望鄰家憔悴山村暮長爲抱璞嗟

周之夫

字赤城麻城人萬歷丁未進士官温州知府

施兵道移鎮麻城次若臨姪韻

如雲戰鷁萬艘飛乍向山城百雉依九道儲胥輸地軸十行草檄
播天威射生野外鳴金鏑汗血行閒盡玉鞮怪得寇羣心膽碎謝
元今已到淮淝

周之訓

字無逸黃岡人萬歷癸丑進士傳詳忠義

別官賜谷太常

時之江右臬任

黃州府志

卷之三十七集部

詩

十二

重陽風雨正沈沈握別其如越鳥吟每悔出山成小草還思退步
有長林憂時各灑英雄淚異地相懸大隱心廬嶽高臨彭蠡上何
年三笑訪知音

邱

坦字長孺麻城人萬曆時武進士附見父齊雲傳

度遼留別京邑諸知己

世事何時不可為盤根錯節豈難支獨憐近日邊疆事築室搏沙
無米炊

與其枯骨裹羅紈何似沙場繡箭瘢自得先師等死說不勞馬革
與桐棺

生平知己盡賢豪推轂勤渠屬望勞此別無成應永別不能長負
九方皋

劉養微

字敬伯廣濟人諸生傳詳文苑

白石山房雜詩

大鵬徙南溟逍遙摩天遊羽翼蔽日月下視隘九州斥鷃搶榆枋
棲息鳴啾啾蚊睫豈不眇蟪蛄疑嵩邱細大固匪倫安飽意各休
人生貴適意豈必公與侯

青青園中葵采摘還復生盈盈杯中酒酌盡還復傾陽春二三月
雨過園林清花露滴石砌一鳥深叢鳴呼童攜小榼傍我花間行
平生有微尚富貴非所營

玉英堂

昔我夢西遊騎龍上青天聳身凌竹影忽墮崑崙巔崑崙何巍巍
上與雲漢連道逢綠髮翁三五相周旋一見顧我笑揮手開雲關

黃州府志

卷之三十七集部

詩

十三

黃州府志卷之三十一
五城十二樓恍惚霞變遷青螭坐我側白獸跳我前有鳥名鳳凰
雙啼玉樹煙久不見人世於今三十年天雞鳴扶桑車馬喧闐闐
世事日煎迫曉出暮未還今升玉英堂記憶尙宛然雖異天上樂
頗無區中緣花叢繞深竹蛺蝶飛娟娟青山四週遭雨歇春可憐
登樓發長嘯縹緲來羣仙

戊申歲

我舟開頭六月六蕪湖縣傍我舟宿隔船問訊蘄黃人蘄黃水勢
高於屋嘉靖庚申水莫當今年轉高七尺強毒龍老蛟潰隄入西
際馬口東潯陽豪門巨戶吳與張孫呂李郭朱盧楊可憐翩翩白
面郎繡衣駟馬黃金裝往時度曲鶯花裏此日啼飢道路旁畫闌
綺閣遙相望屋瓦漂蕩隨鴛鴦長隄萬棚螻蟻集大海一線龜鼉

梁浮屍挂樹者誰子纖纖玉手羅衣裳烏鳶飛來啄人肉呀呷腥
腐薰穹蒼我有寡姊稱未亡十年凜冽當風霜殷勤哺雛兼構巢
巢成蕩作魚龍堂赤磯湖頭煙水深天昏月黑啼何方山中兄弟
忍置汝田土不得俱豐穰三十二日斷雨腳苗葉苦槁仍螟蝗高
田卑田人兩傷天乎下土何愆殃訛言傳聞九年水還從萬厯丁
未始請君棄置勿復陳衝風跋浪橫天起

哭饒孝標

皎皎青天玉樹枝西京才氣盛唐詩何期尊酒論文日卽是泉臺
永訣時風雨山深埋駿骨瀟湘水遠泣蛾眉古今最是難問多
少封侯歎數奇

一束生芻易水吟芙蓉墓上挂秋陰堪將意氣同生死忽爾風流

變古今虛擬壯心懸赤幟空聞大藥化黃金雁行中斷慈闈老鬼
哭湘山暮雨深

官撫辰

字凝之黃岡人萬曆末選貢傳詳隱逸

輓周忠烈大參

之訓

王事賢勞者生前總不羣名非重一死學豈著三軍魄散天猶憫

公媵姬聞難相率死之

忠孤君未聞

當事盡掩公以飾所私

鬼神終莫掩野史續遺文

寄龍夢先

墳

爾也不隨俗余焉同一心從來身外想偏向病中尋草發故根綠
雲移何處深江流聲不斷應共虎溪吟

訪黃美中山居

寥寥天地有鷗羣纔撇塵囂改見聞噴雪瀑寒行道日翻濤松捲

到山雲黃虞代可同耕鑿唐宋人先禁斧斤與子誅茹為避世今
朝一到此論文

饒嘉元

字仁倩廣濟人天啓辛酉舉人傳詳文苑

王惟允

名大謨

惟允含英姿藝苑振高步壯圖際休明矯跡西南鶩永言惟陟屺
遂著歸田賦卻掃對孺人哀思日云暮齋志不獲申遺文邈咸護

寇巨源

名學海

巨源崛起士夙齡懷著書抗志邁流俗研精於古初駕言遊京邑
結交羅華裾幽意綵江邨還顧念居諸操觚甘寂寞冠蓋照里閭
娛樂未終極白日忽已徂

曹士謨

字獻虞黃岡人天啓時歲貢傳詳忠義

貴州府志

卷之三十七

集部

詩

十五

癸未三月十六夜同樊紫蓋城守

風雨嚴城伴相逢咫尺迷暗途呼爾汝際徑失東西倍徒燃膏費
參差列炬齊最憐鈴柝眾露立待聞雞

王一翥

字子雲黃岡人崇禎庚午舉人傳詳隱逸

野田黃雀行寄魏雲庵

儒者道不顯託名求神仙一日亂難逃千年壽豈鑄惟有鬧村靜
魏子忘華軒俗人不相師如病畏藥言黃雀野田中銜泥戲丹鉛
重到郡城

霜重殘松影塘迴過雁聲幾番游子夢猶繞故宮行買酒壺難借
裝衣線不輕漢廷詞賦死抱甕老書生

哭汪愧孝二首

幾年同隱約終母或隨君片晷行無迹孤心兩不分白頭誰菽水

名士絕聲聞杖畫山雲細秋宵一卷焚

吟醉陶元亮誅哀王景元何人敢偽託惜汝太無年誦祕春秋註

神潛道德篇空山雲月影娟碧素心全

山中聞於文言信

南昌沙岸舊隄荒凝盼虔州掩劍光只賸文山千點淚寒雲壓作

柿頭霜

過黃州

綠楊啼鳥不曾來只築荒城莫築臺夜半江聲聽不盡尙書宅後

野棠開

劉侗

字同人麻城人崇禎甲戌進士傳詳文苑

黃州府志

卷之三十七

集部

詩

十六

賽社詞

春社典春衣秋社饜梁肉婦子且莫嘻場熟廩不熟遼陽方告警
農助官家穀遼租十增三官租三增六里胥登門催斛半量一斛
益以雀鼠耗完數恆不足賽社報年豐社神聽我祝但願邊患平
強於倉儲蓄神保太息言遼平爾何福糗隨遼餉加不隨遼餉復
播州幾月兵至今農噉粥

久遊復至鄂得家信將別黃宗之

出門未暑秋仍滯十度曾登送別舟久客畏聞家有信逢人但道
邑無收衣糗不恥因良友僮僕多言怨漫遊夜夜酒同鄉夢醒舍
邊雞與渚邊鷗

黃正色

字慈雲蘄水人崇禎
丙子舉人傳詳文苑

崇禎甲戌五月前邑令李衡嶠先生自燕邸以書見及賦詩

答之時靳黃之寇深矣

循良既已往世亂誰可倚豐沃舊郊原一旦兵戈始寇盜萬里來
安行類牀第一賊馬十乘千旗障空綺孤城急閉門死生判從此
夫妻荷擔奔子父安能俟祇道露沾衣不知淚爲水且行安所之
除到高雲裏藤刺默藏身兒啼安可止與君兩不活捫口甯兒死
寇至何所爲一炬數十里場稼躡爲泥凶烽染天紫收金已滿囊
屠人類屠豕鬼錄一朝充人間滅生齒村村血有餘飲馬須乎是
關門守慘悽庚癸呼四鄙郊遂已如斯執戈空爾爾春秋兩度殘
賊去無全理郡道急點兵深慈拯人始太息兵來時賊行不相待
左次幾回遲目送千營尾跪懇官兵前念我尙飢餒雞豚賊所遺

相餉誰云悔兵賊暴仍殊妻孥幸無醢憶公無事年警備如多壘
更樓點點明村鼓聲聲適政令隱藏兵伏戎不能起士隱臥深山
人遊醉清市日月曾幾何泰亨遂為否公今在鳳梧願以告天子

萬爾昌

字師二黃岡人崇禎丙子舉人傳詳隱逸

題張號泉公廬墓馴虎遺事

漢史載歐子依墓結草室虎刃適奔觸襟覆得以逸感承仁孝意
趨望竟如暱月為致一鹿孝子供俎實千載有張翁踵事遙相匹
虎亦夔其廬馴馴等卹勿此事餘十紀黃叟遞稱述龍負蠅蜒視
德至隨波沒潮鱷肆吞嚙投文遣以出驅使奚能然茲理安可詰
至性極昭格豈云同幻術其時諸賢詰紀贊各鉅筆翁孫曰聚上
表幽圖劄劄余也得寓目追誦齒猶慄豈惟光家乘國史借芬苾

誰續漢歐傳濡毫美無溢

周壽明

字天格蕪水人崇禎丁丑進士傳詳宦蹟

聞徵

駑駘曾出樞留吏復持銜漫示青絲絡偏宜紫芰衫撫心能化石
辟詔豈須巖知我唯潭水無勞挂遠颿

劉鍾蓉

字集裳麻城人崇禎己卯舉人癸未死於亂

哭劉侗人

盧孟多才自不羈奇思尙鬼與人離空潭雁度身千仞野繭蛾成
命一絲楚壁出沽皆泣日西施未嫁是顰時高天寥闊憑誰問忍
對疏簾細雨垂

杜

濬見前古文

感遇

屏居寂無營抗意酌元始開闢何年月直下捷如矢叔季固難名
但聽多瑕訾細人競不慚烈士務有恥烏喧孤鳳鳴雲滅神龍尾
大賢經緯心常恐失其旨所以李伯陽著書就令喜

山中有一士妙歎氣若雲一歎翔落木再歎靜飛塵三歎與四歎
悲感泣四鄰飢者忘其餐樵者忘其薪借問何爲爾歎歎豈足論

寓園卽事二首之一

暫歸不得息復來叩園荆掃榻恣偃仰深綠怡我情假寐遂成夢
夢醒聞流鶯爲時已中伏宛作春曉聲奈何雀與烏努力方爭鳴
眾雀既喧雜羣鳥尤豪橫坐令好音阻側耳不分明三歎推枕起
仰視天宇行

答方密之送將歸歌

送將歸當送誰君坐玉堂送布衣與君同庚復同志誓佐中興錦
衣醉君當三十先登壇青絲白馬官長安結交貧賤信何益頻遭
擯落勞君歎君吟詩復作書送余歸傍吳專諸余今寂寞已如此
不愛專諸愛西子必待功成游五湖世上今無范大夫

歸不得行

杜陵老翁歸不得黃河之水聞歎息赫蹠乞米長厚顏艱難轉不
憂無食獨傷百口棲荒寺涼燠循還豈終極初來北郭喚催耕臨
去西堂鳴促織中間毒熱不可當五月披裘心自惻典盡寒衣縫
葛裳漫向人前炷要繖青氈鐵研今何在買薪賣到書與墨老僧
日日問我行使我低頭惟默塞積逋凌雜難具陳豈第少渠僑賃

值况復無端忤俗兒窮途苦澀添荆棘不知忍恥復誰待平生故人萬夫特嘗將松栢比君心嘗將山岳方君德疥癩為災祇妒余咫尺不得見顏色昨日緘書汗流頰今日題詩淚霑臆老翁他事休再論歸飛願借扶搖力

哭李鄴仙

李著有風知錄

事後論人品無如李鄴仙留身惟賣藥有子只耕田學道知原夙安貧力更堅白雲山下路誰表少微阡

酬鄭肯崖二首即次原韻

錄一

不辨君王事丁年負黑頭

蚤年棄兩貢一官

感翁來客舍勸我上歸舟偏

宕孔文舉高明陳太邱終須同洛社未可各滄洲

邢孟貞過黃州有作見懷感答

長江日夜流江岸有黃州是我十年夢輸君一日遊山從樊口密月對武昌愁處處邀篇翰殘黎豈解酬

晚泊黃州

赤壁雲初暝烏林日漸紅波搖兩岸火人語隔江風夢鶴侵蝴蝶然犀逼水宮天寒遊子意清夜月明中

杜

字蒼略濬弟傳詳隱逸

寒食同枕江作

墓田春草色花信落梅風倚檻今朝立憐君客况同炊煙微覺冷酒盞不妨紅莫作焚林嘆荒蕪舊絳宮

萬曰吉

字允康黃岡人崇禎庚辰進士官崑山知縣

旅感

上院疎鐘曉閒階積雨殘澤中鴻未集天下士宜寒種種數莖髮
勞勞一片肝窮途惟仗友應作古人看

曹允昌

字石癖一字石霞麻城人崇禎癸未進士傳詳文苑

感時

夜雨名山禮少微泉香石齒即來歸教兒學劍甯操未與客謀生
但採薇百里虎訛天上至三江濤隔嶺頭飛鹿門自笑非真隱十
口勞勞製薜衣

周

損

字遠害麻城人崇禎癸未會試副榜傳詳宦蹟案損於國變後削髮為僧見楚風補小傳

荆落宿龍井步壁閒韻

家國迢迢道路賒青囊破綻是烟霞小心也到蛟龍窟初學聊乘
羊鹿車堪以行蹤隨白鳥羞將時事語黃花堂前一宿低頭走怕

有人來罵釋迦

樊維甫

一名志張字山圖一字兩同黃岡人傳詳隱逸

陽江謁忠蹟祠讀又借亭碑

案沈思孝謫雷陽構亭名借山甫父玉衡謫此名曰又借有記

千載孤忠豈近名瓜廬人自寄先程鼉江偶到蘋隨薦雷海重來
竹又生堪語韓陵憑陟岵同游峴首憶班荆析薪不克空行役化
鶴能忘碧落情

樊維師

字尚父一字海通黃岡人附貢生傳詳隱逸

感懷

四首錄一

蒼黃聞變及宮闈白日高天慘不暉問藐諸姑遺六尺誰三寸舌
解重圍降臣竟獻圖南策陷督陰從逐北歸四海義旗空築舍拊
膺徒手益歔歔

乙酉除夜巴江山寺對姚相國作 四首錄二

宰相山僧共掩門荒臺廢殿幾何存辛盤得便聊須醉寶劍空留
已負恩身到故鄉仍作客案餘殘歷黯銷魂夜深龍象聽如泣雨
灑龕燈看又昏

三百年來此夜除二千里外客歸初淚隨紅燭流殘後臘過黃雞
報曉餘老病易為驚節序亂離何處好樵漁同堂弟姪如相念咫尺
先人有敝廬

吳亮思 字幼睿廣濟人崇禎時歲貢傳詳文苑

紫蓋歌 樊維城字紫蓋

紫蓋峯高插天起倒映瀟湘瀉江水網緼鍾出大英雄三策天人
敷治理一行作吏無邊幅謫向上林種桃李是時璫燄勢正張慷

慨疏姦名姓揚詔佐司農掌錢穀小臣肝膽凜冰霜君至泉州多
惠政不畏權門親百姓小兒竹馬快逢迎太守單車問民病三載
清風六月寒曾無一字到長安黨人重伺東林隙海南不得靜波
瀾拂衣歸去攜琴鶴赤壁東皋戴舊冠烽火連年思請劍幾番躍
馬復盤桓舉朝泄沓成何事執袴遭逢拜將官公懷經濟憂天墮
四郊多壘甘同禍整衣束帶受兵刃正氣如山死猶坐君拚一死
剖丹衷身騎箕尾步虛空慕君忠烈高無極回首南瞻紫蓋峯

周世遠 字伯譽麻城人諸生附見劉侗傳

贈劉同人

古調方今俱未彈擬將秋氣比儒酸忘情似我貧何病知己如君
死不難事到文章千古在天留明月兩人看世閒多少悠悠者寂

黃州府志卷之二十一
莫孤舟江水寒

楊

晉

字子馬廣濟人諸生附見父大鼇傳

過張子龍先生舊館二首錄一

專城裘馬五陵遊抱甕歸來二十秋酒熟尊罍開北海月明賓從集南樓詞場問字千帆落老圃逃禪半畝幽遙想一時揮塵輩何人倒屣最名流

展外祖徐大夫墓

徐名來建字明卿

吳中詩賦舊登臺海上樓船建節回細草墓門狐兔老青天寒食雨風來魂歸未覺桐鄉好淚墮遙同峴首哀我復壯年悲此咄片雲尊酒重徘徊

鄧雲程

字扶風黃岡人諸生傳詳忠義

秋恨 甲申

極目荒園萬樹凋柴門風雨晚蕭蕭三秋頓覺乾坤異兩鬢空悲歲月遙北極朝廷那可問鍾山王氣詎全銷莫言草莽能逃罪養士恩深日賦騷

汪國縈

字漪公黃岡人諸生傳詳隱逸

春日過王涓來

幾日耽幽寂春光若在門長隄縈古柳一水抱孤村交貴知非晚時違道益尊共懷囊內劍不為報私恩

遷居初度懷子雲廬山

餘生何事向天涯破壁空鐙照影斜一夜雨能添客淚十年春不見梅花全留野壑容樵牧未許浮名誤歲華遙憶匡廬松徑裏聽

黃州府志卷之三十一
殘清磬共無家

梅之煇

字惠連麻城人傳詳隱逸

入城

晨興百憂集戚戚還入城敗稻委荒田到處語喧爭萬戶久絕粒
正當粟米征追逋遍村野役雜無定程不聞人咨嘆但見吏崢嶸
老弱不堪策獨驅少壯行少壯復何措舉目轉伶俜隻身供上法
法重命自輕公堂慘秋日未入魂已驚催科殊殿最甯分歎與贏
高樓起北風時吹敲扑聲敢嗔官長責惟怨父母生國稅亦有限
下民亦有情寄語農家子勿復事躬耕

楊

勳字介子廣濟人崇禎時廩生傳詳隱逸

孔監軍屯兵湖上

湖邊金鼓咽濤聲戈戟森森壯鐵城落日悲風連幕捲秋山殺氣
破空生鄰封日望旌旗色小邑何須百萬兵一帶野田容牧馬村
莊蕭瑟不勝情

國朝

顧景星

字赤方蘄州人明崇禎時選貢國朝以博學鴻詞徵不赴試傳詳隱逸

詠高士吳瑛

伯仁起齋郎簽書黃州守入爲虞部員挂冠方黑首臨流獨長嘯
種竹還漉酒歡笑迎嘉賓絕口不減否青氈就盜乞力田門生耦
不顧尙書期鵝冠狎鄰叟世遠言亦湮著述曾不有高躅留史篇
芳名僅身後

詠高士林敏功敏修

黃州府志

卷之三十一

集部

詩

二十四

黃州府志卷之三十一
松坡節氣士少小負學術一舉偶見遺塞門卽弗出經通郭子橫
名比皇甫謐隱處非盜聲率性不就辟子來實愛弟豹席共牀筆
湮沒無思篇零落蒙山集立言期不朽傳後豈難必所望賢達人
名山拾遺佚

答康伯問字說

斯文義軒後微義竟誰紹智哲識其情遺象存理要流傳有淫體
臆說恣攻剽瑣碎雖百家無能救沈澳鼎彝各異狀鼓豕亦難校
沿襲誤後學徒然痛先覺六書非細事宜洩抉道妙囊括二儀閒
津梁五經奧我勞夫如何十載心力耗變通固無方苦辯非執拗
學官會有時覆瓿君豈料庶幾桓譚知不惜劉歆笑兒童干祿樣
腐塾兔園鈔規矩喪高曾幡幡轉相告老眼困昏花研精矢期耄

莫怪和者稀陽春本孤調

沈生行

士望蘄州諸生崇禎末上書召見授
兵部參謀輔臣移送江督袁繼成幕

先皇避殿居齋宮晏食不聞司樂鐘黃門晨放罪已詔阜囊夜啟
登聞封是時韋布紛然至沈生棄家走燕市上書直動萬乘尊宋
代陳東毋乃是赫衣給諫名最高陳啓新呼吸帝座無汝曹沈生上
殿一指顧往往廷論歸儒髦潼關東西薊門北沙蟲擁道邊城塞
皇心但警紫荆圍司馬誰防白波賊銳頭參軍最後來但隨幕府
臨江開短衣出入通侯第岸幘還登歇馬臺倉皇昂首驚傾覆烏
號無弓小臣哭義旗壯士且鷹揚溷跡王孫盡魚服渡江忽報安
東軍生也收涕趨轅門化龍有識雖曾應餓馬騰謠忽遽聞凶姦
構禍何倉卒誰夢湖城繞營日漢安爵命豈非恩廷尉山頭况難

必丈夫死卽鴻毛輕石頭取節非純臣帳中濺血黃將軍頭下奏
事有沈生將軍敗後無堅壘疑笳疊鼓軍容改潛身幸託江海翁
青衫已卸麻鞋在瓦盆半菽妻兒嗔憔悴尋常行路人誰知乞食
陶彭澤莫辨埋名梅子眞春風貰酒茅欄下念是當年請纓者卻
憶先皇御極初執手相看淚盈把

歌贈張生無逸

廣濟人

張生三十神骨孳方瞳肉角非凡傳過都歷塊見奇駿白日蹴蹋
生風颺生平瞥見萬年少眼底獨來孫仲謀令弟含鄙善酬對一
日白壁雙見投伏龍已甘讓德操怒虎莫直推賈彪開尊卓午便
達暮落日半沈環翠樓怡然敬我爲父執向我捉勒黃金鞦門前
磐石可坐臥下馬更擎青玉甌愛君兄弟數回首百里彷彿猶林

邱人生俗累固難釋如我故人良不憂尙平五嶽雖未去鹿門退
隱堪千秋况君頭角已嶄出承家豈用康成愁五十有子得如此
何不深山休去休

烈婦行

麻城生員蔡作楫女六歲能誦女誡二十適生員周克孚之子方且始終五載而方且沈痾者四年方且沒後氏卽時自縊康熙十九年六月十一日昏定也

蔡家弱女周家婦丹心玉貌仙家姝飽聞汝南節義事曾讀東漢
班姑書雖云伉儷五裘葛第有藥爐親起居事夫誓擬同生死七
尺素練千金軀炎炎赤日西山暮撫尸慟問泉臺路祇知大義貴
捐生沒絕須臾忍回顧非圖冢上鴛鴦飛不爲墓前連理樹當時
何物斂隨身涕面蓬頭舊衣履君臣夫婦兩大倫國破家亡死幾
人息如不笑何難殉蔡琰還鄉再誤身人間萬事愁堪觸使我歛

獻淚頻續請將烈婦鄉里歌彈入馬上琵琶曲

廣濟道中

光風麥浪四十里僕夫中歇重行行山花迎客似含笑杜宇初來
無幾聲店看野老爭席坐俗漸買牛成耦耕已輸春稅卸里正
里正况乃連年無甲兵

王子雲一翥隱居廬山忽過訪

只愁歸不易歸後轉飢寒知己十年別貧家一飯難白頭仍避世
阜帽早辭官孰是鄧文子能令王憲寬屢辭微辟

維舟巴河哭王子雲先生三首之一

綠草春江岸維舟落日情因憐故人逝不上五蠻城東漢巴水漂五蠻城此
泊悲公子風流失步兵百年忠孝畢似爾已成名

贈曹尚白大漢

憐君不得意載筆早從戎雨雪綈袍外江湖劍影中流離牛馬走
漂泊雁鳧同袖筆援無倦容刀佩在躬兩行驚鶻落雙臂妙猴通
能左腕作顏米書多藝才稱絕高譚理發蒙吳春梅耀在趙曲李奇工壇
好埋名築杯緣引興空越天霜練白僧院火爐紅片語憐知己浮
名本至公莫愁員路逆休泣阮途窮君去如真隱南山訪桂叢

哀蕭霽二首霽以才士殉難

一杯無自寄空城春草何曾面上生白骨已隨寒雨盡遺詩猶作
斷腸聲

同遭喪亂君為鹵存沒殊途淚轉滋幾度傷心無可道一年時有
哭君詩

孫錫蕃

字斐臣黃岡人明崇禎時歲貢傳詳宦蹟

訪黃慈雲徵士

名正色蕪水人

悲歌經歲老漁樵獨對書牀影寂寥遊子風塵三尺劍仙人湖海一詩瓢鉉翁舊服青鞵老元亮離琴爨尾焦最喜玉臺丹井在猶存松菊洗寒霄

李炳然

字人虎蕪州人明崇禎丙子舉人傳詳文苑

夏日傷前宗正朱仲良翊鑒先生湖上舊居

二十韻

廣讌開樊邸扁舟涉雨湖避喧營小築蕩隘滌洪鑪中壘經傳久南皮冠蓋殊應徐才總萃山桂色長腴生長朱門盛傾懷白屋孤河閒存禮樂東海表神樞銀榜懸珠藻蘭言吐碧梧陳思三父子王李七倡于

先生與弁州滄溟七子唱酬寄贈有詩篇

最樂貪為善懷愁渺獨飲蒼天

憐水旱赤子弄萑蒲鵠沖霄去鴛鴦碎地呼渡河舟掬指奪絹血淋膜龍鼎髻存沒王孫飯有無甘泉驚火徹爰止畢烏通柏葉飢猶餅

先生逃賊難飢餐柏葉而卒

余皇棄在蘆草堂留想像松菊日萎蕪泥擁蛇騰窟臺傾燕語雛斷橋通厲揭浸板畫蠅蚰珠賣茅誰補坏融枳倩扶琴亡人載筆舟繫壑藏隅麥秀薪移合雍門涕逝徂雉壇餘竹柏沙菑滿鵝鵲感舊聽鄰笛傷心擊唾壺縹緗無隻字流恨向山嶠

張百程

字日闢黃安人諸生傳詳忠義

江上贈王子雲

燕去烏衣後佯狂不記年著書千嶂裏乞食九江邊白首悲黃鵠青山拜杜鵑相逢拚一哭湖海各茫然

麻鞋伏闕日商略到山樊腸斷三江後遙憐一老存才名還異代窮餓竟誰門寂寞東林路何人招汝魂

劉子壯 見前古文

秋懷

大河以北近 京畿昨歲荒涼客解衣疲騎穿城白晝靜春林巢鳥路人稀黃沙古道吹風雪蔓草寒廬閉棘扉漢帝於今尊卜式柏梁應笑露臺非

曹本榮 字木欣黃岡人順治己丑進士傳詳儒林

雜詠

盧橘新傳罷漢中尙衣聞道減洮城諸州節使休蠲助 聖主清心在合宮

程啓朱 字念伊黃岡人順治己丑進士傳詳官蹟

弔貞女陶足大

江皋有貞女明妝立素月靜意慕孤芳緬焉懷往烈十四對流黃鳴機織秋夕媒氏何殷勤手持雙玉玦繫以蛺蝶羅紅絲千萬結女生願有家襦袂自此纈詎意狂飆生山摧梁木折梁木亦已零女蘿焉所適止水矢從夫百折心益決死義非死情不必曾頡頏再拜別慈親俯仰腸內裂魂魄今于歸九原有安宅世人競鉛華聲容隨煙滅卓哉岳瀆英流輝映昔哲入夜起江濤今古聲悲咽

盧 紘 字元度蘄州人順治己丑進士傳詳儒林

從家人訊知里中故居近狀

故里臨江潯人當寇殘餘休息十年來疾苦尙未舒非無仁明長

蠹痼堅莫除水則勞舟楫陸尤困稅糈奔走服徒役終歲少安廬
官錢不可問兼斂奉狼胥形枯骨僅存索盡囊無儲欲脫此鄉去
茫茫何所如呼籲不得聞蟠固難閒疎吁嗟此才遺仰首空躊躕
余久宦遠方聞之生長噓不顧所忌諱憤貽長官書幸邀聽轉圜
夙弊一朝祛役仍出官雇夫額復其初從此獲甯止咸遂樂土居
遠聞忽興躍願頌循良譽傲瑟甯盡張改絃姑與徐屈指二三年
生聚盈郊瀦余亦當倦遊欣然返昔廬案廬韻複疑作故墟

高思忠

字孝移黃岡人順治辛卯副榜傳詳文苑

舟過江甯不及晤韋念菽秘書二首

吾友韋中祕高才復坎坷歸來賦未早老去句如何一榻懸多載
千秋足活歌相思對江水悵望不能過

老大乾坤裏馳驅共此身一官嘗濩落萬卷總艱辛客久家如泊
時危仕亦貧依依猶署閣魂夢數相親

王澤宏

見前古文

擬古

種樹長秋花鑿池待春水故人永相託所得僅如此水逝有還波
花落無生理安知同堂客不似千萬里萬里隔鄉縣有時自相見
片言偶乖離對面顏色變願言白頭好不願白頭早白頭難與期
此心私自悲

易州使院詠松

去年手植新松樹碧葉青枝取次陰幹長凌雲應有日後人誰識
歲寒心

楊繼經 字傳人蘄水人順治乙未進士傳詳文苑

憶蘄上舊居

五柳思歸不得歸
桃花開後鱖魚肥
幾時為棹輕舟去
自到湖邊放鶴飛

王道騏 字雪洲黃岡人順治己亥進士傳詳文苑

送甥杜湘民南旋

汝歸仍是客
故國似無情
涼月纔今夕
秋風已半生
相期他日夢
共愛盛時名
別意難持贈
江流不斷聲

晤杜于皇

隋隄佳景竟誰傳
春月秋花盡可憐
兩度邗溝尋樂事
一年一見杜樊川

奚祿詒 字蘇嶺黃岡人順治己亥進士傳詳文苑

蘄陽行

春前我寄君山迹
犀甲鱗鱗寒大澤
暮帆今日過蘄陽
江花如練烏頭白
荆國春殘樸榭宮
方勝花蛇走阡陌
騶旅形容二十年中
原無處無蕭瑟
如此空城莫住船
吳瑛已死誰留客

杜于皇表兄見訪

不以行藏異來探
遠別人艱難如隔世
涕淚共雙親
笛裏梅花落江頭
燕子新相看在逆旅
豈是故園春松柏
先人地文章弱冠時
只今春作夢可惜鬢
成絲產破關河在
憂深笑傲危莫貪
建業好忘卻武昌思

哭王子雲六首之四

筆墨情親四十年舊游何處問青氈才名無補飢寒策時事全歸
醉夢天萬里風沙吹薤露一庭荷影罷秋蟬平生長物原無別落
得佯狂到九泉子雲有荷苑蟬搖白雉雲之句

飢者難行語奈何名山應勒采薇歌嗣宗死後狂魔在靖節生前
酒債多傲骨人間皆欲殺新詩海內復誰過唱酬不到黃泉路風
雨荒郊哭淺莎寄我詩有飢者不克行之句

棺衾身後總蕭然州邑親分賙賻錢入斂應裁居士服逃名愁問
孝廉船半生禾黍君臣淚千古衣冠盜賊年破劍壁閒鳴怪事儂
歸挂向茂林阡

有子巴江只負薪北堂衰草付何人天高莫挽西山日世上誰憐
南阮貧朱雀烏衣雙燕子碧雞丹詔一麒麟應知此後魂歸處猶

是當年市井臣尊人死難於滇錫有祭葬

石潭秋月歌六首之二

黃閣門前野草秋文昌隄上白蘋流可憐一片巴江月獨照潭前
欵乃舟

面面垂楊燕子磯東流江水幾時歸不知月色能多少長傍磯頭
燕子飛

葉封字桐初黃岡人順治己亥進士傳詳文苑

計偕北上次李坪驛別家兄暨怡西昆季二首

行行此揮手能不作銷魂相送只垂淚孤征甯可論江聲趨故里
客夢待荒村尙藉壺觴立銜杯未忍吞

行色誰云壯羈愁獨自經已難辭骨肉况復去零丁沙氣蒸燕路

寒雲暗楚汀江楓祇數葉露淚下離亭

九日保定道中

十年三徑草全荒九日長途菊乍黃
京洛交游纔把別故園兄弟
久相望送鴻背決愁同遠騎馬筋疲老自傷
欲指滄江定何處白雲紅樹滿斜陽

朱日濬

字道淵黃岡人順治時歲貢傳詳文苑

和韻答鄭肯崖

屈宋發楚聲餘音動下里一洗梁陳陋洋洋自盈耳
我本悲蔓草對之益念爾驚濤繞茅屋清風四座起
欲寫瓊琚意悽愴名紙感此倍綢繆江東春樹裏

周世甦

字甯質黃岡人傳詳文苑

過吳循可大參故宅

循可名敏師廣濟人沒於湘中

一挽湘流去不回梅川舊宅夕陽開
孤臣既託行吟怨謫傅空悲
召問才故國銅駝先已識他鄉鐵騎負君哀
興思握接相期日雲滿衡陽霜滿臺

劉醕驥

見前古文

樊憲副席上贈王子雲

羣彥推王粲雄人舊藝林書多傳劍履地少種桑陰
江海短秋鬢知交賸此心到門車馬客無暇問懸琴
良會堪遺俗聲名老未忘主賓答鐘鼓天地失風霜
燈動壁衣舞秋濃井葉香共來高邁侶誰厭阮生狂

贈梅長公

楚寇日熾當事難其人時公家居沈莊寇望風畏之而時未見用麻城道中投詩致慨

中丞開府耀西秦捲旆歸來家未貧騎擁酒車春角射伎圍香帳
夜留賓黃雲塢壁推盟主大樹功名屬老臣具食朝廷求將略幾
時溫詔起綸巾

司馬名家起後塵英風楚士本嶙峋天留白紵驅豺虎人指青山
數鳳麟共信伏波能死國誰云燭武不如人烽煙畫角淒涼月閒
卻荒雞起舞身

贈黃岡何草長

中年射策雲霄迴介性逃時劍佩存家散江湖書萬卷道隨麋鹿
月孤村兵戈白紵雄談出風雨青鐙老鬢尊終望 聖明蒐草
澤成編容易付兒孫

過母舅胡監軍故居

人亡忍向西州路苦雪荒風閣樹齊勢面胡兒驕不舞成功老馬
暮還嘶

張仁熙 見前古文

雨中訪顧赤方

日夕大江流江聲莽回互蘄陽萬古心旅客愁無數高士亦城居
茆屋幽難遇著書二十年草長門前路相見亦何深抵掌生煙霧
論詩數百篇一一兼秋雨豈惜酒杯長展轉彌清素

述交一首哭劉千里

昔我未及齷舅宅孤遊時里人謬稱我襁褓識無之時值劉氏子
粲粲玉樹姿私念彼何人同為宅相兒長我財三載意欲解文辭
舅氏歡喜極贈書各盈麗我為馬遷史君乃班掾遺班生紀漢歲

黃州府志 卷之三十一
班固年十
三記漢事
兩兒亦差池登臺一顧盼遂爲白首期君才誠先去聲我
呼吸走蛟螭二十富經史箋疏必古辭母呼不出闌父杖不出帷
敝衣而垢首日眈尙忘飢回視几案側撰帙已離離温養須歲月
余謂出且遲一主長風盟遂肆厥所施人言吾劉子其書劄劄宜
釀錢不敢後字字刻肝脾而余忝頡頏薇露快所私有似洞及島
旋如陸與皮後先登 帝闕取次類養廝長安富豪兒叩門畏
爲嗤又如吞郁冥彷彿啜其醯余與千里前後以明經人對皆未謁選人從此歸空山
束影百無爲余宿思光軻君棲眞長楣吾子與君子婚媾相因依
余才雖謏劣君屢借箴規百卷抉竅奧名實慄不欺裂笄摧籬壁
吹羹見孔姬甯期子下世理窟竟離披爲君梓新者爲君俎聖祠
吁嗟慰吾子庶無塵世疵

悼袁先生公寥 素亮 二首

頗識東阿又還疑李賀同幽思華屋裏鬼語玉樓中地志文偏古
浮亭賦獨工孤墳不得意搖落耐秋風
風俗爾先憐繁華亦自牽眞才人欲殺駿骨恨難捐老眼荒天地
雄文半鬼仙廣陵無限調淒斷付哀絃

懷劉千里燕遊

燕關猶復舊皇都寒角驚風草半枯一市馬蹄人自醉千年鳳闕
烏相呼天邊白雁知多少臺上黃金近有無隴月羌梅無限感幾
能書札報樵蘇

陳之京

字觀伯蘄州人順治時歲貢傳詳文苑

答新泰盧澹巖社翁

黃州府志

卷之三十七

集部

詩

三十五

避地移家遠索居長竿湖畔釣雙魚故人分俸還沽酒野老援毫
正著書膏雨岱宗雲合後文瀾滄海日生初琴堂清暇如相憶爲
報秋風短鬢疎

舒峻吉

一作峻極字漸鴻廣濟人諸生傳詳文苑

山居寄懷劉幼陵

東風何處生吹放桃與李貧居鮮經綸絕跡向城市有時策杖行
信步得所止青出江南山白見武湖水幽人三徑遙微辨煙雲起
烏能共結廬疑義析書史松濤曉戶中雨色晚窗裏對案舉饔飧
藜藿亦云美仰首孤鳥翔此情曷能已

馮永明

字清原黃岡人明諸生附見父雲路傳

春思

一春常作客連日苦多風野樹淒迷綠簷花黯澹紅愁隨詩卷積
囊與酒杯空巢燕如相識頻來草舍中

鄧之愈

字識韓一字恨人黃岡人諸生附見父雲程傳

遵陽初度

年來負疚感衰羸黃綺驅人服紫芝顧影自憐蒲柳質思親久廢
蓼我詩烏飛豈爲嗟爰止鴻漸能無慎羽儀遙計南歸圖拜掃故
園菊已滿東籬

杜世農

字湘民黃岡人附見父濬傳

新安道中

澗水同奔馬千年石有痕結茆隨地勢到嶺近天門俯視雲如海
遙看雨過村未須遊五岳只此已難言

杜世捷

字武功黃岡人附見父潛傳

讌黃天濤杜來閣分韻

茲樓如有約高坐近秋光月亦愛良夜人今當故鄉酒酣休聽雁
衣冷忽經霜暗覺重陽近登臨興最長

金思默

字亮言蕪水人諸生附見父歐傳

輓李十潭先生

名恕肇慶人流寓蕪水

松臺處士窮何極忽抱懷王墮馬悲絕世才華山鬼哭故鄉關塞
旅魂羈誰憐萬卷蹉跎盡獨慨孤星慘澹移總欲不留名姓在曲
江采石信同歸

王材任

字子重黃岡人康熙己未進士傳詳文苑

輓陳仲夔

卓哉太史公才猷未展半七十未為天良朋偏永歎天道固無知
國寶遂絕玩神理應不盡英靈未嘗散獨嗟余後死失此白頭伴
君今騎箕尾長夜何時旦虛室闕無人素琴陳在案門掩落花深
園荒衰草亂念此心內傷有淚面如盥早知永訣速始悔還鄉緩
夢為赤壁遊慟與黃壚貫生死抱離愁飢寒纏異悞嗟彼九泉人
愴然一挺炭他日返故園誰於我乎館玉樹埋土中太陽照不煖
可憐長松崩徒見凡卉榮

秋日感懷

落葉漸看苔砌沒故鄉空有鹿門期百年將半雙親老五嶽難游
兩鬢絲孤枕酒醒秋雨夜小樓病過菊花時平生知己今何在况
復蘭枯柳又衰

銓部需次還里卽事

昔年我亦為鴻鵠今日人先變鳳凰
五品一官經十載二毛兩鬢返三湘
身辭薊北春將暮路入江南草漸長
從此生涯何所託黃泥坂下自農桑

魯港夜泊

沙岸維舟近柳條坐看淺水忽生潮
江湖夜靜逾空闊星斗風來欲動搖
月下望鄉雙淚落天涯多病一身遙
雞豚社飲應難與獨倚船窗盞酒瓢

吳應庚

字呢瞻黃安人康熙己未進士傳詳文苑

屢乞歸養未得

六載郎官汗漫遊每逢佳節感松楸
引舟力竭臨風健彈鋏歌殘

帶雨收令伯有情虛歲月淵明無夢不林邱
公侯關內如雲集細草荒城一片愁

金德嘉

見前古文

寄懷顧黃公江居

掃地北風搖馬尾送我春明酒半醺
我馬且行爲君立城頭殘月照離羣
是時巷南歌偏側君苦欲歸歸不得
五月逢人北寄書潭州博士報雙魚
舒郎仗劍客秦隴君亦掉頭返舊廬
蘄春草樹佳可賞草屨紅滕况蕭爽
江水盈盈浮玉磯西塞山下鱖魚肥
人生安能牛馬走細爭雞口與牛後
元瑜記室事徒然鄭虔官冷更誰憐
何如爛漫花前醉酩酊醉眼看雲雨湖邊

張大石虹任江夏廣文聞而作歌

黃州府志 卷之三十一
坐君以梅花玉篆之高樓啖君以沈瀝金盤之仙棗上看翩翩黃
鶴夏天而飛鳴下有萋萋鸚鵡洲邊之芳草男兒入不腰金衣紫
侍承明出不駟馬安車高牙與大纛一官咄咄擁青氈誰能豁爾
嶽崎磊落之懷抱前年北上黃金臺去年南走岐亭道今年捧檄
漢陽門湧月城頭月皓皓噫嘻張郎有官冷亦得君不見少陵歌
中袞袞諸公竟磨滅又不見龍螭風雨其人出河汾人言絳帳未
必輸金門有舌且將讀典墳有筆還能書獲麟後有萬年前千古
何須如秦張祿漢平津相思一夜西風起眼底英雄使君耳有便
遺我雙鯉魚明年攜手燕山市

讀樊奉常請告疏

直諫當年動九天乞骸一疏倍淒然風霜地過三千里瘴癘身垂

六十年詔下殊恩心更惻夢殘往事淚猶漣故園賸有茆堂在赤
壁清風江水邊

讀晚廬遺集

并序 三首錄二

黃梅石喬年著喬年爲楚陽中丞曾孫初爲諸生時縣人擢
登聞鼓訟其令以喬年故家子竄入其名後事下撫軍勘問
訟者落籍勘官取喬年口供爲改竄坐諸首事生喬年不可
訟言生時苑枯有盡死後笑罵無窮遂坐黜隱居十數年死
余傷之
賦此詩

世路崎嶇合槍神避人酣飲欲全真時非漢末羅鈞黨隱豈吳門
溷市塵鉛槧生涯過儉歲薜蘿曲徑老幽人千秋直筆垂青史有
道猶傳折角巾

野性難馴羞瓦全法庭吏議且相憐隱居爨未因人熱就獄名偏
在眾先脫稿牀頭無諛筆養生谷口賸萊田高行海內誰爲傳萬

石家風司馬編

王夢澤先生故里四首

先賢騷雅古壇在軼事傳聞今孰能避客踰垣王太史草間邂逅顧中丞

二客周旋王裕州江村五月也披裘騎牛跨馬朝朝出不絕豪游絕貴游

雷轟電激發臨臯尺牘熊熊亦自豪豈為窮居多佗傑楚才自合續離騷

撫臣奉詔紀興都授簡歸田楚大夫直筆書成清議許雷同張桂豈通儒

顧中丞聘公修興獻藩邸志隨州顏公木京山王公格同事志成不稱旨士論賢之

宋如辰字斗疑黃岡人康熙乙丑進士傳詳文苑

送桂恐修之成都

菊綻雨初晴銜觴此送行十年勞別夢兩世見交情蜀道蒼烟淨房湖夜月明王孫遊最樂珍重錦官城

張希良見前古文

萬槿園

園林非我有魂夢每相關問訊先叢桂探幽得小山漁樵何處老兵甲此中閒萬事惟杯酒相看且破顏

雷馬二將軍戰死處案地在麻城陰山阪事詳秩官傳

絕壑巉巖盤老鷹戰場回曲陣雲層空山叱馬聞雙劍夜雨驚鴟慘一燈時有覆軍猶勝氣將無降卒亦材能何人起冢陰山阪風雨年年泣二陵

詹大衝

字圖先黃岡人康熙時歲貢官黃陂教諭

官素士扶尊公健之大參及弟櫬自蜀還孝思感格神異萬

端率此志慕

健之名應震

萬里歸親櫬翻將蜀道輕一身渾是淚百險總能平風雨號長夜江河鑒至誠從來忠孝骨原不為虛名

弟與親同載孤魂弔杜鵑猿啼巫峽岸風冷楚江船名節追王哀池塘夢惠連艱危集神異不愧直臣傳

陳大章

字仲夔黃岡人康熙戊辰進士傳詳儒林

里中四賢詩

贈光祿少卿諡忠烈周公之訓

周公戟鬚眉冷面骨高時逡巡仕籍屯灑落詞翰美晚出崇禎中

合沓風塵起備兵濟南城萬騎森薄犄孤軍援路絕落日戰鼓死

同時張

布政使鄧糧備

馮都司

畫守分尺咫公獨當其南張髯劇齒

齒提戈憤一呼衝鋒斷雙髀烈哉三媵妾聯袂赴井水悽惻太常

誄稠疊尙方璽至今六十年舊蹟傳鄉里事失野乘蒐時亡實錄

紀我昔攬遺文纂言痛至髓

癸亥修通志載公殉難本末

嗣叨三館末大聲激

充耳

聖朝無諱筆

修明史有詔勿諱死事諸臣

淪胥固有以何以慰忠魂

遺責在青史

故孝廉王公一翥

龍性本難馴鳳羽實高舉偉哉王孝廉清芬揚六宇憶昔撰公詩

摺拾得藏弄幽姿豔冰雪老力雕肺腑目無七子壇跡掃竟陵軌

於時東林微遺業紛咀茹落落布衣雄屹力相撐拄慷慨嘉魚

黃州府志卷之二十一
交正悽咽臨川語子亂本起衣冠羣雄恣豺虎草履兩都穿丹心
一寸腐人嗤杞人愚我憐精衛苦長嘯隱廬山成名笑廣武爽氣
不可攀逸躅渺前古朗吟乞食篇脈脈增酸楚

故大名副使魏公公韓

鉤黨終禍漢闢豎迄覆唐太阿一倒授白日慘無光惟茲有明季
事勢何披狂三朝實同貫失道潰隄防正人既殄滅國亦隨之亡
魏公秉清鑒憤世懷激昂置身危亂際進退特周詳一麾行解纜
歸臥松山陽季鷹有先見子美多慨慷每把金石句大義何琳琅
遺風湖高顧軼事徵左楊孤節屹萬仞逸氣凌穹蒼兒童識舊德
松柏表新岡九原不可作湖水日洋洋

故孝廉萬公爾昌

誰謂子雲元劇秦甚譎詠誰謂阮公狂勸進何齷齪蹇子遊四方
少小慕奇卓頗交隱側徒矢口在巖壑朝爲泛渚鷗暮作乘軒鶴
迴首西山薇大笑絕冠索有美萬夫子退修聲名實噴薄世局幾滄桑
雄心甘寂寞偕隱日初平先生經史坐揚摧胸次無拘牽篇章得
灑落高尙五十年飢腸厭藜藿前歲升公堂神明尙矍鑠頃來拜
公墓荒草走狐貉服膺甲子詩痛哭西臺作悵望武湖濱寒雲莽
寥廓

蕪水士民爲其令尹侯公乞詩予耳其政聲舊矣因賦此詩
爲政若馭馬調人譬治絲馭馬無竭力治絲勿焚之令尹親民官
厥爲慈惠師上以經國本下以卹民私龔黃與卓魯寬猛各有宜
悉心求人瘼實至名亦隨頃歲三吳災告糴連屍腫泛舟急飛電

黃少月志卷之二十一
一利百害滋吾郡當其衝刮地無留遺頗聞浣川宰次第能張施
憂國如憂家哺民如哺兒輸轉多實惠散斂匪虛糜一方訖安堵
賢聲達四陲我聞重太息救荒不須奇斯民今猶古莫謂無秉彝
因之訪餘政道路多口碑隴雉馴拊翼村犬臥生菴此亦豈異術
誠心念在茲士人未入官飾古尊筌蹄高談陋世務蹙額視有司
一行縮半綬初心日以非縣令古諸侯萬眾所瞻依祿入已過優
名位不爲卑勛君守初服努力匡 熙時

過蕲春懷顧黃公

徵君瀟灑姿搖筆富文藻弱冠充王賓時論推國寶激昂世務書
匍匐兩京道志大徒次且時危久枯槁高揖辭風塵閉戶狎魚鳥
經傳毛鄭宗學比崔蔡老一尺白茅堂樸質謝雕巧晚就蒲輪徵

束縛難爲好王式本不來臺佟節彌皎依然奪牛翁歸作采芝皓
六書大義微研精肆幽討上窮皇韻初下逮篆隸彙鍼縷辨形聲
錯綜出要眇善誘物之師博洽時所少伊昔奉微言今來悲宿草
歲月忽已遙風流竟誰紹技淚下寒江白雲空浩浩

憶劉先生醕驥

古人重讀書今人務骫骳羌吾總角初逮事廓菴子一日了十行
窮年惜寸晷貫穿惟六經鑽研極三史讀之每百回背誦如流水
摘詞必已出剗刻謝華藻片語幾聲牙隻字富根柢時輩各擣舌
翁聞愈益喜嘗騎京華驢落魄少知己蔚州魏象樞特傾倒北面嚴
具禮欲備三館須薦達光斧辰翁也掉臂辭徒步歸桑梓迂疎誰
見收寒飢遂沒齒及其屬續時慷慨賦哀誅猶手班氏志喃喃盡

黃州府志卷之三十一
數紙零落子雲亭痛絕若敖鬼天道竟何如雪涕瞻蒿里

憶張先生仁熙

桃李笑春風蘭蕙媚幽谷當時豈不佳嚴霜悽故綠嗚呼藕灣翁
松柏受命獨負然冰雪姿恬曠寡欲野水環林塘清暉映茅屋
閒持一編書坐對青山讀路旁處士梅籬下陶公菊布褐不掩形
文史撐滿腹作爲雋永詞鏗鉤響瓊玉正始有遺音比興無繁縟
平生篤風雅萬事付踏跼往在童穉時撰杖隨芳躅契闊凡幾年
訪我窮山曲白衿出談諧殘燈照醺醪風塵久在苒存歿如轉轂
遠戍下哀鴻長天號古木何處弔九原生芻期一束

泊舟武穴鎮弔金會公先生兼寄令嗣廣宗禹書昆季

蘅皋被清露寒江蕩夕陰故人不可見含悽指舊林池草凋故綠

園柳啼鶯禽風昔奉明眷望古渺幽尋青燈照奇語濁酒陶清襟
琅琅金石訓豁我蓬之心一別成萬古茹哀坐陸沈緣情重掩抑
淚盡雍門琴

先生南國楨山岳秉特操高步冠羣英冲襟委埋照鏗鉤雅正詞
五色相炳曜素尚託鴻冥孤情發鸞嘯纂述垂千秋滉瀆入無兆
譬彼百尺桐孫枝亦合抱徂運逝不留盛德久彌邵經術重韋門
努力期明紹

天寶鹿

弁序

康熙壬子歲于清端公成龍爲黃州同知駐岐亭野人獲鹿
垂斃獻之其高如馬角而斑公命作脯於項間剝得銀圓重
一十七兩鐫天寶二年華清宮七字角下堅徹如瓊蓋所謂
鹿玉也公以作帶環佩之友人黃安彭伯常在署親見其事
屬子
作歌

軋犖山前烽火起，帚星下掃長安裏。赤心一夕化豺狼，唐家九廟皆荆杞。夜雨愁埋劍閣雲，春風恨滿溫泉水。何來決驟華清鹿，萬里中原行不速。慣隨花鳥上陽宮，親見玉環頻賜浴。彊字深鐫太府金，角痕碧沁璽瓏玉。未逐僊人上博臺，卻遭牧豎充庖肉。君不見梨園菊部霓裳舞，宏農唱罷來鼙鼓。鸚鵡曾聞問上皇，舞馬猶知悲故主。秦家宮闕漢家陵，千年幾度生禾黍。休將遺事弔開元，漠漠寒煙翳平楚。

萬

燦字季方黃岡人康熙癸酉舉人傳詳文苑

寄欽人田士佃

冽彼清谿水，素鱗託蘋藻。風日豈不殊，縈情惟夙好。河鼓已宵移，織機傷顏老。天漢望容舫，所恨秋霜早。攜手上河梁，金玉傾懷抱。

兩翼忽驚飛，抗志凌雲表。興酣搖五岳，榮名以為寶。隻影誰與同，止水空潦倒。落葉滿階庭，寒蟬泣秋昊。新芳及殘止，臭味分菀槁。楚山接燕雲，行行寄長道。衣帶日以遠，珍重思紉綯。

顧

昌字文饒蘄州人康熙癸酉舉人傳詳文苑

曹荔軒 梓白茅堂集將竟感賦

和璧不世出，剖璞須其人。珊瑚結海底，網取非柔紉。力大用必壯，鑒別識乃真。明公賦至性，挺特空羣倫。束髮事高步，老大能親仁。生鍾燕吳秀，氣壓京華春。時維先君子，旅臥越舄呻。公也獨慨慕，意洽如飲醇。走馬出殿直，攬轡來城闔。晏語或達暮，夜懷難及晨。豈惟骨肉愛，竟以膠漆論。身今致通顯，揚扈據要津。金閨總羣彥，雅志獲見申。古人不可沒，後哲甯隱淪。庀工市棗梨，鏤鏤崑崙。

新驪珠燦煤墨玉版開瑠璘陳思慟敬禮護惜猶苦辛矧同珙璧視忍終榛莽湮

陳芳烈字仲紀黃岡人康熙中歲貢傳詳文苑

弔邏江貞女女不知何姓順治初為兵所得留詩衣帶間投江而死有入江猶是女兒身之句

四塞平沙霧雨濛誰家巢卵碎江空靡拜呼母湘波黑齧血留詩

海樹紅明月珠沈巫峽水黃姑星墜大王風哀魂何事長銜木不

許遺名蔡琰同案此詩縣志載杜烈女墓下但原注女不知何姓而留詩衣帶事亦異故別存之

梅後更名鉞字淡克麻城人

先中丞射圃二首和李子石表弟

時艱解甲憾何窮激烈人曾比魏公投老苦心惟是戰寓兵至意即於農林泉十里能還賊里井千家久即戎回首不堪遺壘在寒

鴉衰柳日西風

殘陽漠漠草離離華屋山邱事總悲風木君曾傷劍履神祠人見有旌旗孤臣存沒宵天意殊錫幽冥仰聖慈匹馬獨來尋一哭不勝清雁冷猿時

金啟江字同九廣濟人康熙乙酉舉人

伯道廬虛中郎燼熄文人薄祐今古同悲矣邑中先輩有七

人焉家叔父命鈔謄其遺稿都為一集行付剞劂既卒業

各賦詩一首

張太守子龍

皇矣張太守狎主騷壇盟里門鄰下雉離離鳳凰鳴摘詞追三閭作賦擬二京茅亭人問字草昧變文明劉康谷子寄公詩有終古斯人開草昧句其年

書少府志卷之三十一
躋衛武耄言筆未停九十以後著耄言江漢滔滔逝星雲亦官冥楊榮徒負土伏學女傳經賸有殘編在斯文尚典型

寇山人巨源

楚江寇山人讀書到盤谷閉戶垂三載文選理精熟怒髮弔淮陰低回歌當哭覽古黃金臺浩然展遐矚汾上有賢王慶成王賓筵禮華屋千金隨手盡歸來啖菹粥逢人說二餘蝸廬成小築一棺尋束身淺土江之澳風流縣大夫搜詩次篇目馬蠶爲重封大書壽山麓嗚乎此高風可以挽頹俗至今墓道傍松風猶謾謾

楊孝廉用極

娉婷楊孝廉厥年二十九十五入詞壇公幹稱良友謂劉康谷子南宮一下第罷耗佚佚走舍生散鬱陶佳人共卮酒老友吳黃門諱亮嗣

灑泪到林藪遺草拾榛苓

黃門刻其詩顏曰榛苓遺草

序出張公手

子龍先生作序弁首

劉康谷子敬伯

矯矯劉敬伯經學爲人師

授經黃岡何氏

何氏好兄弟

黃岡何讓章長謙緘仲

把臂

結心知閔彼病消渴臥起苦支離藤牀搯瘦骨馳送山之陲音問時絡繹夢裏長相思陰風吹大壑白日忽西馳絮酒奠墓道吞聲憶舊時區畫及衰親摩頂視其兒韋長序其詩云余兄弟至康谷今而後余兄弟勉爲康谷子治父衣冠嗚乎此良友端人實致之後來遡高風藝林疇可追

劉明經廓菴

亭亭東岡雲英英垂天半下有芝在堂寶光何璀璨博物劉先生擁書恣點竄歲貢上春官聲名騰霄漢柏鄉與蔚州前席析疑難

柏鄉蔚州兩魏公日與先生講論不輟歸老窮巷中羣言會一貫身外俱浮雲抱璞

殊衍衍至今蒼蒼松挺然露修幹

吳靈山公子

靈山吳公子矯矯詞壇伯先君文酒交過從稱莫逆皇考官大令

敏師確

公子觀標格中年丁喪亂繁華轉蕭索郊原戎馬屯前甲申乙

山令

莫夜防辛螫時有宵人欲殺公幽棲依白雲白雲巷在靈山濁醪常結

西

客公子與客飲達旦宵人知有備故免大令浮湘去音書限南北湘水阻且深南望

空脈脈沈憂能傷人經年病深谷先君過靈山強起話山麓一別

歸江干幾日便易簣吞聲作挽歌傷心六月六生死見交情古道

照顏色賤子記先友短章陳夙昔

黃文學大象

昔聞古秋堂歸然江之渚中有黃叔度鎮日惟道古博物劉東岡

廓菴

先生於時共語語詩法嗜空同吟詠不絕口世亂更滄桑蕭然一

環堵兀坐整衣冠羞與委巷伍生涯嗟偏側遺草幸藏弄嗚乎騷

雅場荒煙沒禾黍

張惟金

字貢方廣濟人康熙辛卯舉人傳詳文苑

讀胡教菴先生語錄跋後

丈夫不得志立言期不朽六籍揭中天大義燦星斗聳悅徒紛紛

支離如駢拇伊人起江滸窮經至皓首蕭蕭涇瑩居環堵宮一畝

著論比潛夫苞孕無不有箴愚而砭頑用以置座右滄海雖遞更

殘缺良可守

書胡二華先生傳後

黃少府詩集

卷之三十一

集部

詩

四六

黃少府志卷之三十一
二華耽寂寞窮年事蒐討早人馬融帳說經霧如掃折角而解頤
後生爲傾倒家世方通顯介性獨自葆懷清不絕俗吏隱豈枯槁
倉卒邁流氛舍生以殉道嗚乎經學明立身非草草

書胡太僕士容傳後

衰朝鉤黨起甘陵狐鼠批根共引繩祠屋普天叢可藉江河一掌
塞何能柱中不合收張朔牢戶旋看繫李膺嶽嶽乾坤留正氣後
先楊左與同稱

徐本僊

字佑倫蘄水人康熙庚子舉人傳詳宦蹟

烈女行

爲黃岡歐彝臣女作

歐家有女額垂髮東牀已作徐家榻蟾蜍飽月勢團圓封姨不教
花叵匝柳白鶯黃正早春兒家夫婿初長成可憐黃茅撲初鶯可

憐弱草瘦零丁二豎巧向膏肓結藥下倉公攻不克氣似晨星乍
有無弱雲狼籍無顏色海棠羞日暗藏秋欲往唁之不可得遙分
病勢死莫起黯獨傷情而已矣伯姊諸姑走相勸言語未足近道
理甯作秋原霜下草莫作春花樹上好春花謝彼還開此秋草同
根同節死頗疑截耳與斷臂猶是貪生心未止吾甯尺組赴冥關
魂意心神從所使魂意追飛仗鬼燐黃昏已到夫家門女父男親
怪相問此時不信謂飛魂此時夫命纔一線宛轉倉皇入相唁舉
頭一顧乍銷魂夫命旋亡女不見夫家悻遣女父回始識義亡興
櫬來墓上黃昏雙宿鳥至今重起青陵臺張雷神劍終當合化入
平津兩龍躍何必會面始情親古人不侵爲然諾君不見照夜燈
炬乍無膏添膏剔炬重相燒又不見楊柳之枝枝方折新枝還補

舊枝缺請君試看籜中竹竹在籜中已有節

靖道謨

字誠合黃岡人康熙辛丑進士傳詳文苑

節孝吟

為節母王文學妻陳氏作

北山松柏凌雪霜千古萬古摩穹蒼造物鍾靈原不偶盤錯鬱積
乃森張淮西大郡有齊安扶輿毓秀自崎山峻响峭壁三千丈諸
山都作培塿觀拔地倚天發閒氣王氏節母生其間三歲背嚴父
七歲失所恃十四適王家婉婉相夫子結縭十二年所天又崩圯
貌馬七歲孤高堂急甘旨大旱滌山川晨炊無粒米集蓼茹葶茶
苦心無此比之死矢靡他艱貞利傾否辛勤送往復事居雛鳳振
刷錦翼舒幾年晝秋兼剉薦一日都邑騰名譽眾謂節母宜上請
正色卻謝不肯居二十九年素木榻整衣端坐返太虛珠光玉氣

甯久闕

天子聞之表其閭蟠霓綽楔峙舊里崎山截嶮與之

俱人生要當爭千古時窮節見傳於書滿堂珠翠空塵土莞然發

婦今何如

鍾應遜

黃安人康熙時由廩監考授州同

散里歌

自昔重循良古今稱卓魯亦在止酷烈前後思召杜吏治雖多端
慈惠實所主張侯蒞此邦邦人歌樂土百里感和風萬戶沐甘雨
牧民在休息焉用斤與斧士以文墨通笑談傾肺腑其或等狂且
不嫌賦鸚鵡老農力耕鑿年來憂粟腐醉飽穩三眠吏胥目未覩
靡麗無所喜塵市無所取給價倍平人風聞來遠賈聽彼輿人誦
詎能屈指數於中有一事乃更足千古安昔遭喪亂十不存其五

餘戶三百六次第輪差伍十載一當年當年為最苦每逢歲晚時老幼走公府官卒循舊章持籌索規矩法密憑伊弄文深亦任舞此輩已食人尤愁積保戶保戶專苛派白晝肝人脯遇事即風生發言人皆俯纏頭與簪珥取辦悉窮宇三五類成羣未語先含怒強者偶一吐鰓寡尤所侮金錢嗔不足益之以布縷布縷窮女紅無能飽餓虎富者日向貧貧者歎終窶侯當下車初太息膺常拊赫然削陳牘盡掃從前蠱里正不到門雞犬皆安堵如春回黍谷如日正當午又如病困夫頓覺沈疴愈租稅無後期公私真兩補向之攫金者寂寞歸農圃昔之几上肉歡然歌有稔強弱非所論勤惰分良楛風俗自此醅鄉曲漸無武良法貴久遠今即後之祖既已頌侯德還須勒堂廡守此以勿替安民以無瘡姦頑或竊弄

小子當鳴鼓

張

字子駿蘄州人諸生雨湖八子之一

七懷詩

郡中師友一時名宿日月如流零落殆盡撰詩懷人感往增愴云爾

東臯李夫子

炳然字人虎順治辛丑會試副車官吏部司務出宰江西萬安早賦歸來杜門著書文宗選體詩學少陵有江麓堂集傳世

大雅存吾道高懷詣古期宿精文選理老敵杜陵詩五柳歸來日千秋著述時暮年陶後進不倦講帷披

盧公澹崖

絃字元度順治己丑進士歷官蘇松糧儲參議罷居虎邱講學海內知名士無不景從四照堂文集盛行歸蘄官橐蕭然古書器玩俱散佚四方惟結容膝軒於鳳山之麓年八十餘猶手不釋卷

風波辭宦海著作老山阿文體分西漢詩情帶永和虎邱曾講學鳳麓久安窩獨掩柴扉靜藏書付薜蘿

汪公仇懷

建旗鼓一時擅場

衛字蘭友順治己丑進士知福建南平縣以不媚權貴罷歸詩酒自豪與東皋澹崖諸先生各

高捷南宮日風流雅絕倫才餘隨酒展興溢惹花曠秀句浸寒月

駢詞麗曉春囊空免羞盈瀟灑露天眞

王約菴先生

南山以詩文自娛

協字恭南雋才博學由明經出宰華亭疎狂自放不能爲五斗折腰遂拂衣歸蘄居城之

鶴唳華亭後南山種豆翁揮鋤輕阜蓋迴首嘆飛鴻書卷消閒日

行藏類轉蓬西湖曾有約花柳六橋中

李千英先生

居日鶴原石室茂林修竹客至翦韭烹葵雅有幽人深致

土俊字蘊文少博青衿即精古學從遊於澹崖舅氏東皋伯兄時加磨礪駸駸有得扁其

巾衫端素履石室老鶴原酒結同心侶詩追嘔血魂呼兒春翦韭

問字曉開門世態浮雲外先生古道存

鄭邵胄裔周

吾先賦玉樓十餘年悲夫

一字闕吾州名諸生屢躡場屋遂放懷詩酒於吾輩中稱豪士焉後余結雨湖吟社而闕

昔年詩酒社我愛鄭當時擬古霞成綺飛觴月醉卮不嫌羹是菜

更喜墨臨池制舉科名事流傳豈在斯

郭層崖從

一字去山州諸生負性惆悵慷慨有大志喜讀人情物態悲歌感慨無一不發於詩付梓時病篤夜三鼓招余永訣以不見刻成爲恨云

磊落襟期遠居然八尺身文章高格調器度起嶙峋感遇禽言盡

從有禽言十首最工摩鐫古篆神煙雲爭繞紙一嘯出風塵

萬年茂

見前古文

重赴秋闈 恩宴紀事二首

乾隆壬子

解組歸來五十年此心甘老向林泉忽聞折簡傳開府也喜簪花
赴上筵謠避乘驄空底事歌聽鳴鹿尚依然漫猜席帽離身日白
首重叨 湛露緣

八十垂頭又六年那隨光氣躍龍泉 恩傳桂殿陪芳宴快說瓊
林近綺筵多士秋風新薦後故人漳浦獨翹然算同科第同庚甲
謬附褒推二老緣

周茂建

字展野黃岡人乾隆丙辰舉人傳詳文苑

贈周宗魯

蘄水人

君以儒為俠山海皆能涉富貴若浮雲詩書存本色昔赴蒲輪徵
要路得肩息長揖無將軍不來有王式如彼西來馬未受金玉勒
如彼陸漸鴻偏使羽毛匿千金既已散斗酒無所得故人招之飲

狂態不能默人皆惡其言我獨飲其德清泉白石閒位置當爾特

張禮源

字庸五廣濟人諸生附見父惟金傳

胡太僕劍銘

干將與莫耶純鉤名古越清水淬其鋒精剛抉陰蛻有明熹宗朝
魏璫恣虎啣頤指崔呈秀下走營兔穴卓哉太僕公秉氣何凜烈
不為繞指柔甯甘炙手熱當其按薊州爭先覩為悅生祠躍馬過
不拜魏忠賢生祠私人空關說崔呈秀薦其妾舅公叱之淬劍置案頭幾靡歐冶鐵銘
日義與仁誓當截妖孽詎知嬰羅織戴盆甘縲紲有術不用柔用
剛反缺折嗚乎百鍊剛難將幽憤雪烈皇掃羣姦此輩俱殄絕初
政榜國門拔起忠臣列公也荷新恩三秦備節鉞此物與之俱霜
鏗電光掣逆闖雖授首未塗姦臣血大書絕不刊豈直盧龍埒珠

自合浦還

兵燹後劍為他人所有復購得之

千年不磨滅手澤貽後人可視不可

襲怕入襄城水長與匣中別

黃自芳

字資沐黃岡人乾隆中歲貢

寄懷萬南泉侍御

霜生諫草舊丹心

先生以彈劾權要罷官歸里

兩鬢能無許雪侵別後高名驚

海內歸來清詠動淮陰蘭臺曉日烏棲冷芸閣春風鶴夢深兩向

問津詢逸况

尊大阮履素公主壘問津書院得詢先生近况

何時遊展歇荒林

陳

字觀民蘄州人乾隆戊戌進士傳詳文苑

高貞女行

字黃立人

青青女貞木皎皎心不移斲為太古琴絃以寡女絲一解琴亦不在

御絃亦不在指哀鳴聲烏烏女心井中水二解井水有時枯女心無

時渝再拜辭父母願言養舅姑三解舅姑前致辭淚落連珠子有婦

如此賢君子良不死四解死者肉已寒生者志益堅卓哉高貞女清

風激愚頑五解

讀泣蕪錄作

黃土關下鼓聲死神光觀前燧煙起渡河直逼羅州城一日夜行

三百里白鬚太守稱能軍白袍通判同苦辛金汁鍋飛萬牛火驚

軍洞燒雲日昏焚香告天天不顧蠟丸望斷龍舒路三角空屯朱

虎兵萬金坐索圍城賂可憐蕪陽城甯為李秦死不作徐常生萬

死一生趙司理血淚淋漓書滿紙殘燈無燄風刮天揜卷傷心舊

桑梓君不見八字橋應援將士斬關逃又不見十字街趙家坏土

收遺骸至今麟麓龍磯上褒忠廟貌高崔巍

題葉雲素繼雯蕲春訪舊圖

青青蘭溪箭決泱蘭溪水若有人兮修且美朝臨右軍書暮跋東郭履豪貴到門呼不起君家大別陰我住大桴趾為訪素心人那惜山川道透邈高軒既東來敝車亦西指蓬蓬天上雲歡然聚於此愧我山澤癯不堪添入圖畫裏古來交道亦有神不待相見知相親披圖彷彿得君意况是蕲春村裏人

喻文鏊見前古文

隄潰書感

江水下盤塘無山可阻水當其暴漲時那能測涯涘驅水與水爭杵築高不庠其東盡雷池捍蔽相首尾始自洪武間歷今四百祀築隄事澹菑隄築菑未已一線五邑聯受害吾過彼吾邑居中枵

大半如釜底居民傍水居江表而湖裏山田多瘠薄湖田多肥美江隄標界劃湖築紛紜起江隄實縣延湖隄復迤邐雨來湖不納江溢隄易圯無慮萬村落在在生痕瘡江隄付東流湖隄遂披靡道元注桑經刊水清且泚右對馬頭岸何不順遺軌刊水既湮塞南注蔑一匕獨有青林湖東流一支耳所瀦亦已多所洩何由駛因循踰旬月田廬賸有幾儻得江水低且夕猶可俟不然肆橫流震盪靡遐邇萬畝狎陽侯人命輕於紙倏忽倒如山吾民其魚矣十年再三逢千家頻轉徙嘆息吾邑貧當復正坐此撮土安足資誰知穴以蟻况受腹背敵措手誰料理所賴救時才先時勿膜視

陳母行陳虞部詩之母

鬱鬱千尋松上有太古雪松比人心貞雪比人心潔一解嗟哉陳母

賢八月為新婦姑言諳食性夫言善箕帚二解天風吹海枯海風吹

不住吹起離鸞聲痛泣九泉路三解死夫固有婦新婦固有夫長謝

堂上姑甘殉冢中夫四解阿姑前致詞淚落大小珠有娠纔五月珍

重千金軀五解強起語阿姑焉敢惜一死慰夫宗祏心旦夕吾瞑矣

六解珠顆好男兒羅薦蘭湯沐嚴風吹寒幃抱向靈前哭七解慈烏生

一子哺穀漸成雛典我嫁時衣購我架上書八解讀我架上書還我

嫁時衣死夫亦有婦賢母亦有兒九解彤廷下 紫誥表為人母

儀豈惟人母儀允稱士林師十解

鎮沅太守行劉洪度廣濟人

鴛鴦橫天鬼嘯呼黑雲挾雨煙模糊長身冠劍古丈夫精誠一片

人所無鎮沅城大如斗彝官梗化那易馴鋤姦翦蔓應不苟劉公

五馬來彝疆波弄山前旌旆揚肘繫三印藉統轄東西控馭何多

方時兼管鎮沅府威遠同知恩樂縣事自從賊聲威遠振猓黑猖狂勢已迅公冒矢

石率先登驟馬蹴空立斫陣孤臣義憤嗟誰傳赤手生擒五賊頭

拔刀殺賊刀流血血灑蠻天天欲愁制軍鄂文端公爾泰撫軍楊文定公名時加

撫慰更飛密檄委重寄計縛刁瀚繫轅門滿城動色駭神異其如

醜類終拍張飛鴉豈得為鸞凰何閒蜂集入城府狐跳豕突誰可

當陰風慘慘凜冰雪馬湧江水響嗚咽太守登堂誓大義晴光炯

炯腔血熱勢急忽看振臂來怒呼殺賊聲震雷力盡殉城獲死所

守城武弁安在哉其時五僕皆委命慷慨就死殊剛勁惟公精誠

一片心忠激愚頑遂至性君不見 王師奮捷滇氛消倓錢賓布

輸 王朝至今人誦庚戌橋

閔獸子歌 名貞廣濟人

閔獸子大官折簡招不來
纖兒拍肩拽之起有時索筆點草蟲
有時潑墨畫山水最工寫真
顛白描為人頰上添三毫生氣勃
宰離生綃一月兩月若無事一筆兩筆若無意
堅閉空室坐欲枯歛有人兮呼欲出問爾何由擅此奇
乍語哽咽涕泗垂兒時失怙兼失恃
形容髣髴是耶非思成詫歎神惟肖疑有天幸非人為從此貌人人絕
倒破履敗衣恣幽討幾被春風刷羽毛休嘆冬烘露頭腦
裝池一幅奉饌圖擔囊卻走長安道長安道上多貴人無由彙筆圖麒麟
况當職貢圖王會植髮顛鼻何人繪其時衛藏班禪亦來王吹螺
啖羅都綱供三摩耶熬茶香碧睛偏袒坐四牀輪迴雖誕教宗黃爾操不律妙嚴莊
時某邸令圖班禪額爾德尼像足令傳遍四十九旗

並回準膽懾諸台吉宰桑草茅下士那得此如驅魂夢談荒唐可憐歸去漢江晚西風披拂塵衣短墓田草屋都荒蕪片帆來往客心孤嗚呼閔生獸且怪年年獸向人閒賣妙技珍惜不肯傳十字街頭抵酒債

黃岡弔王公稚欽

夢澤先生不可招滿城風雨颯蕭蕭殿庭抗疏龍鱗逆館閣留題烏母謠四海寬容才子座一官累折酒徒腰百七人中人已老紅衫窄袖未歸朝

王鑾 字伯聲黃岡人乾隆丙午副榜傳詳文苑

懷萬蔚亭困學紀聞箋註之作

照閣青藜漢牒新畫門赤帛孔圖真祕文墜簡今何地窮谷深山

尚有人如此纂修非小補不關榮利是奇珍羣兒腹笥空如洗北面應師并大春

和歐陽敬亭近作見寄

岫雲江水共襟期鴻鯉飛來得近詩人在一方雙眼注事關千古寸心知獅王搏兔君餘勇牧豎亡羊我懼歧留得老年高興在松陵皮陸是良師

陳瑞球

字韻石羅田人嘉慶己巳進士傳詳文苑

大雪感懷

同雲四翳圍窮廬雪花墮地如飛狐市里同聲走相慶來歲預兆豐年符鶴氅重披不識冷酒酣耳熱歌鳥烏忽見簷閒凍殺雀毛羽瑟縮手口瘡背人入釜啄殘粒啾啾日暮哺其雛郊外荒村苦

磽瘠頻年薄入輪常租天寒歲暮生計拙囊空無粟衣無襦婦子枵然塊相對瓊瑤目飽徒踟躕爐空火絕凍入骨涕洟隨下成冰珠造物於人太厚薄銷金暖帳胡爲乎軫懷獨憶監門吏急遞直進哀鴻圖

出都道中作

宦情如墨逐人磨十載升沈付浩歌帆去章門塵夢遠衣經燕市酒痕多倦思乞米終依闕貧怯攜家再渡河記否棲遲舊芸署莫教駒隙又輕過

題何大復先生集

弱冠登壇世莫攀文章節義具斑斑靈鍾嶽降崧生地秀擷廉居讓飲閒

明港發源天目水最清冽先生祖驛丞常居其地

七子而還操正響諸孫相繼侍

清班卜船久辦鄉先輩何幸今過大復山先生祖居羅田之卜船山與余居相距二十里

龔斗南字小梁黃岡人嘉慶癸酉優貢傳詳文苑

潘貞女

郎命絕淚如血女性烈心如鐵未到郎家與郎訣郎死亦死死不得郎父郎母肝腸裂賴女如兒長在側九京郎正慰三年女忽亡彼蒼者天何茫茫道路聞之為悲傷吁嗟乎潘貞女有女如此能不死世間誰是奇男子

陳沈字太初蘄水人嘉慶己卯進士傳詳文苑

祭蘄水義園感賦二首

迢迢白塔寺秋氣橫蒼煙中有故鄉人潛靈幾何年生飲蘄陽水死葬燕山阡去家日以遠邱壟日以遷上為酸棗林下為枯麥田

萬鬼同一廬幽魂逼飢寒今也汝誰後昔也汝誰先貞石既漫滅遺跡何茫然當時營壙人今亦姓字湮忝為同里親見此心內酸

聊將一豚酒敬念桑梓緣

黃蒿長沒人一碑斷如舊數字聊可辨題曰官氏母汝族有大賢其名為劉叟清風被一鄉令德難為後我昔拜遺阡零落殘僧守青山本無名附託長不朽母也汝何人生為大家婦徒留一片石懿行湮已久感此意茫茫誰者為上壽

劉貞女行

黃岡縣南長圻墉江水出其前其後有湖其中為平原其民樸而野十室九種田有劉氏女倪氏婦塊然貞節聞其閒女父劉文暄女婿倪文錦兩家居不遠媒姬一言允待年各修飾但未成合卺

堦生十六年一病危如絲女請於父往視疾病者相向不語但涕垂女來七日而堦死女之來也未結縵女念死者有父母死者已死者誰扶持無子有子是在婦服婦之服斬其衰舅曰有姪女嗣之煢然弱女兼有婦順與母慈堦之死也一殤耳女乃使之上有父母下有妻子有祭祠三年服除女母念女素車還家淚如雨有姨老矣細語刺刺意吞吐女聞語塞兩耳姨奈何言若此哭拜父母前決絕姑與姊兒今去不來矣直至五十餘劉公劉姥各八十女乃再駕歸甯車歸家省其慈女死之時乾隆五十有四年苦節無人知縣官不聞名其姪章福爲我流涕而言之更有爲言章福亦純孝居今之世貌古貌朝出力田夜歸奉親父死廬父墓母死廬母墳六年之間一晨昏窮冬僵臥夜雪紛紛母憐兒寒覆以

魂夢中抱母不見母往往夜哭驚起村中人嗚呼忠孝天地理詩書有力扶不起茲乃得之農家子何況雙孝一門裏讀書數十年一節無可稱能不愧欲死作詩者誰斬陳子告采風者書青史

孫承則

字南溪黃岡人傳詳篤行

馬貞女歌

貞女許字賈氏

寒潭清石骨玲

貞女居馬家潭潭有仙人石

有女生此方妙齡未親夫面立夫

庭妾命薄姑已孀賈郎二豎結膏肓惟餘羞日一海棠繞屋蒼松巢野鶴空復相知飛漠漠兔絲附女蘿猶得膠縈終有託神劍化平津會當赴水兩龍躍噫吁嚱娉婷不惜紅顏重然諾

謝 葵

字惕夫嘉慶癸酉拔貢道光乙酉舉人傳詳文苑

和錢阜農明經哭黃壽民詩

壽民名作霖以督勇禦賊殉難

男兒讀書萬卷不肯讀陰符倉卒遇難嗟非夫祇言下馬草露布
上馬殺賊當誰呼樹頭啞啞白項烏莽然有客聲欬歔手持一紙
淚如珠云是烈士殉身圖我乍聞之發長吁且讀且問淚已枯五
十年前游鄂渚初從文戰聽賁鼓嶺南令尹賦歸歎翩翩叔度看
眉宇戊辰省試見愛亭先生越二十年養木雞適與哲嗣通蘭譜
乙酉與小陔為同年壽民從父明年過訪漢江皋庭堅小德方垂髫丙戌余訪小陔於漢皋壽
陔讀書今何為者得死所天荆地棘心無逃眼看賊氛不可遏
手持軍帖猶相招百年旦暮亦平等泰山之重輕鴻毛一命未磨
尚如此含羞忍垢悲吾曹鼓瑟未終人不見哀絲獨繭宮徵變一
唱應知和者悲雙袖龍鍾起三歎

胡璧華字崑白蕪水人道光辛巳舉人傳詳宦蹟

曲沃知縣丁礪溪殉節詩

礪溪諱璜黃岡人由進士官曲沃知縣咸豐三年八月城陷遇害

茂宰循聲父老傳黃巾忽過太行巔一官任自專城重七尺軀應

為國捐望斷援兵關塞外時大兵未至詩成絕筆訟庭前礪溪在公庭成七絕

一首待賊魂歸梓里空揮涕憶別燕臺十二年

黃州知府金菊仙殉節詩

菊仙諱雲門安徽休甯人由進士授湖北崇陽令以軍功陞安陸知

府旋調署黃州咸豐二年九月賊自江西回竄湖北十六日黃州城陷殉難

連檣戰鼓浪聲喧血灑邾城氣欲吞能罵赤眉憑雉堞最憐黃髮

泣鴿原與令弟人銘極友愛孤忠浩氣留千載大節幽光萃一門去臘汪恭垣之難故國江皋祠廟在扁舟他日薦蘋蘩

潘煥龍字四梅羅田人道光乙酉舉人傳詳宦蹟

門人熊臥雲孝廉五緯

克蕪水城屢戰皆捷賊悉蕪州黃梅

之黨來攻眾寡不敵力盡捐軀作此誌慟

破賊功垂就如何惡耗聞握拳知透爪嚼齒定穿齧慷慨戈揮日

忠誠氣薄雲二難相繼逝素卿令我淚紛紛

紆難家能毀成仁命竟捐科名真不愧史冊總宜傳姑息留奇禍

英雄隕少年最憐兒女小膝下母衣牽

感懷 四首錄二

烽煙欲熄忽陰霾變幻無端攪我懷飛將久無班定遠良謀空負

李臨淮謂鶴人為姦賊已同狼狽當路民仍困虎豺太息行軍何

等事運籌帷幄少安排

鑄將大錯豈能支幾日紛紛羽檄馳樂毅城難墮卽墨顯忠兵竟

潰符離毒如蠶蠶應防螫收向桑榆尙未遲自古受降同受敵緣

何誤被杜宏欺

哭邑侯彭杏村先生

報國年衰志不磨公年近七旬使君大節信嗟峨三宵駭目明星隕公

節前一夕居民見大星墜於縣西萬戶傷心淚雨多慷慨裏屍憑馬革辛勤填海

息鯨波忠魂死後仍殲賊天半靈旌颯爽過

蔣恩濺字西泉黃梅人道光乙酉舉人傳詳文苑

白湖孝子行

孝子無名姓奉母居湖阿見客不知揖娛親嘗善歌客憐孝子貧

十金議傭雇持金喜白母欣然負母去客言母當留孝子睜雙眸

擲金如擲泥晉客如晉仇廬墓終三年忽不知何往至今湖水綠

悠悠令人想

余錫椿

字培園黃梅人道光甲午舉人傳詳文苑

書瞿太初訟父冤書後

有客示我伏闕書一通我時展讀生敬恭書上大書萬歷丁丑字
書中慷慨歎說若翁若翁當時知名士名高招忌禍以起聞有
封使君張維播惡吾桑梓譟辱由縣民歸獄偏瞿子効之者誰幸
遇向御史向程劾邑黨之者誰又一清河氏吏部尚書張瀚駁御史議異代龍
門著作才蠶室窮邊兩如此若翁戴罪致偷然曾賦長流告別篇
仁人之言何愷惻不怨不尤信能賢太初先生年十四含冤獨奮
緹縈義短衣歷抵公卿聞淚灑燕天天垂淚能令屠赤水異地悲
其志又令馮具區挺身白其事江陵相國素憐才一掃浮雲天日
霽若翁歸來好著書料得此書並傳千萬歲何年六丁下取將竟

使嫗孃祕笈不得長留人閒世我生同里嗟已遲想像君家便神
馳是父是子真濟美難兄難弟並稱奇徵文考獻吾輩事無奈等
身著述少子遺此書猶幸存紙本借問何人傳寫不惜手為胝不
是手胝人不惜千秋感人是孝思我今願書萬本廣流布付與兩
閒真宰常呵護

徐儒棨

字戟門蘄水人道光乙未舉人候選教諭

青青林中筍

為烈女楊三姑作

青青林中筍節與苦竹俱吾鄉有烈女名為楊三姑三姑生農家
少小習勤劬十一學紡績十二學織繻十三學刺繡十五學入廚
比鄰有李氏結婚在當初待嫁方有日獨活草先枯父母恐姑覺
信息尙含糊姑已察其隱將身上筍輿望見夫家門忍淚且前趨

黃州府志卷之三十一
入門初上堂阿姑來相扶再拜泣且言兒今此一軀死歸李氏骨
生爲李氏姝阿姑謂三姑汝今無自愚盛年多良曾何不爲歡娛
三姑謂阿姑烈女無二夫良緣雖太薄大義敢有逾兒雖農家女
此理豈或殊姑不識兒心請爲表區區拔我黃金釵摘我大秦珠
解我藕絲帶脫我繡羅襦紛紛投烈燄真心能白無阿姑謂三姑
汝言一何迂汝未識夫面徒勞隻影孤當前自失計久後空憂虞
會免汝夫喪爲汝謀改圖三姑無如何涕泣且長吁夫死歷四九
阿姑爲召巫三姑聞驚疑知是殯將除過此長已矣昊天不可呼
奮身繫白練死敢緩須臾姑死魂不散化爲夜啼烏啼烏夜夜哀
行人爲罷途

陳瑞琳 字九香羅田人傳詳文苑

哭同邑熊孝廉

五緯

督勇進勦斬水踞賊遇害並悼黃安彭

主政

宗達

江漢幸收復斬黃仍可危孝廉光乃族義勇冠當時身死亦良酷
名成殊足悲不須譏暴虎血性屬男兒

不謂生戎馬君堪託死生義能全梓里責未受專城難免庸流惜
行邀 卹典榮同時遭慘烈吾郡得熊彭

題四梅花屋圖送潘四梅

煥龍

謁選縣令

五載燕臺花似雪故園閒卻屋三間歸來翻被梅花笑讀盡奇書
又出山

老屋寒香穩結鄰尊前浮動十分春可能借我圖中住四樹梅花
一酒人

黃州府志

卷之三十七

集部

詩

六十四

黃州府志卷之三十一
聞賊又過黃州

四方騷動難歸日八口飢寒交迫之聞說吾黃又戎馬生憎遭際
杜陵時

劉映丹

字慕韓廣濟人道光
丙申進士傳詳宦蹟

壬子除夕感事

四首

盛世何勞涕泗流殘年偏抱杞人憂將軍未見來天上都督空聞
駐石頭他日雲連三大姓祇今星動五諸侯側身西望悲何及猿
化蟲飛萬古愁
聞說綢繆未雨前何來楊太洞庭船兵談紙上原無補刀置韉中
亦可憐豈有長城堪飲馬竟教江水可投鞭淒涼碧血長埋處被
髮應煩訴九天

南國頻年杼柚空忍聞烽火對江紅將軍酣戰嚴霜裏新鬼煩冤
暮雨中獻策服心無馬謖作文美賊有揚雄金甌萬里金湯固義
憤還思薄海同

蒼茫天意竟難知運厄紅羊值此時莫說朱三非盜賊須看南八
是男兒風前唳鶴驚鼙鼓雪裏哀鴻惜別離誰挽銀河洗兵甲雲
霓霖雨望王師

梅見田

字利五黃岡人道光
丁酉拔貢傳詳文苑

擬陶淵明詠貧士

蕭然一畝宮獨立期不朽盤桓古松陰眷念歲寒友植杖詠良苗
停觴歌止酒豈不饒苦辛煙霞落吾手賴有琴書樂肯與聲華偶
求古有吾儕得天亦已厚

高天杳無際卷舒任孤雲真意不可辨遐心醉三墳蓬蒿自蕭索
車馬絕紛紜榮華詎不好諧俗難其羣田園苟不蕪食力箴在勤
胡爲乎弗樂物態皆欣欣

潘肇鏞

字濂舫羅田人道光癸卯優貢附見父煥龍傳

甲寅同廖丈琴舟先生率勇赴蕪擊賊走之越日官軍俱至
小醜跳梁誅自易誰教豕突漸猖狂村空只賸新焦土鬼哭疑過
古戰場霜角曉鳴催陣馬星弧夜閃射天狼側聞宵旰憂勤切
日盼元戎報捷章

聞陳凝甫舍人卒於洛陽詩以哭之

才命相妨千古恨如君泡影太恩恩仲宣作客家難返伯道無兒
遇更窮紅藥虛傳西掖詠白楊悲起北邙風關山迢遞多豺虎悽

絕招魂路未通

高士濂

原名朗字玉山蘄水人道光甲辰進士傳詳宦蹟

紀亂

故鄉被賊蹂躪將及五年音書阻絕丙辰二月家人有自南來者亂後情形言之甚悉余聞慨然以詩紀之

夢久天涯隔人從亂後來殷勤連日話悽切十年哀城郭悲離黍
山川感劫灰吾家何處是千里一徘徊

戰地流民盡荒村破屋斜偷生辭故土瀕死哭無家野燒彌空谷

悲風怯暮笳客懷當此夕鄉思亂如麻

滿地豺狼窟空山草木兵荒村雞犬寂蕭寺鬼神驚世亂交遊薄

途窮骨肉輕思歸江漢客何日睹澄清

城破官仍在村墟寇屢焚舊交多故鬼枯骨積新墳賊勢風聲厲

冤魂夜語聞何當收殺運寰海靖妖氛

陳昌綸字凝甫羅田人道光甲辰舉人傳詳文苑

輓邑侯彭杏村先生

山邑小無城全憑眾志成賢侯能死事令子况知兵羣盜逼中路
萬人同一聲由來感忠義患難見民情

入告邀 天恤捐租 聖澤優官能殉 國難民肯為身謀

保障都如此安全尚可籌道州遺愛在今見我黃州

熊五緯字臥雲羅田人道光丙午舉人傳詳忠義

刺貓

相鼠適何來穿墉入人室營窟曲且深晝伏夜則出屢嚙東坡稟
詎畏張湯律蠢爾恣憑陵悔不謹穹室所忌惟家狸驅除此良策
入穴探厥子走險鋌其急買魚聘殷勤按圖辨毛色詎必盡殲旃

要當清我側爰使藉錦茵永教護書笈一食數飧並問價幾金值
初猶奮先聲鼠輩似驚怵豈料久生玩跳梁任超逸度閣撲三五
盤盞損十七終夜竟掀騰殘骨肆吞食負嵎彼固然爾毋忘仁德
徐徐察其情乃互為主客鼠特食其餘彼飽已宴息主人初茫茫
何從辨昏黑方今多難秋徵調連朝夕小醜尙鴟張遐方懼騷驛
朝廷所匪頒自足供軍實哀此瘡痍餘脂膏賸殘滴

紀事四首錄二

金陵城黯陣雲鋪慘目沙場萬骨枯烏合縱然無久計鴻嗷何以
慰來蘇曾聞曹沫收三北遠說公孫負一隅不惜封侯懸重賞將
軍何日起蒞蘆

風檣如陣馬如翰此去長江路渺漫總制坐持千里節封疆甯用

一泥丸寇深敢信殲除易民困方憂轉運難金粉凋殘冤鬼哭石頭城畔月荒寒

帥遠燁

見前古文

題張南山司馬黃梅拯溺圖

鄭公圖流民千載人口膾嗣者我張侯濡墨和淚繪張侯蒞吾邑昭陽歲癸未是歲春徂夏雨師爲民懟數月苦淫霖雲愁白日蔽雨勢日以暴江溜日以汰萬丈康公隄日夕號巨瀨千萬億生靈存亡一線賴浪聲兼哭聲晝昏天地隘板築集萬夫須臾萬千簣奔走相追呼餐忘亦寢廢上帝何不仁陽侯益驕恣動地聲如雷隄崩竹破勢墳墓田與廬飄泊洪流內死葬江魚腹生無插足地富人轉眼貧貧人轉眼逝攜兒謀諸婦出涕相與議爾醫我或生

爾留我同斃可憐圖一飽骨肉中道棄尸殮遍野橫鴻噉陰風噎

鬼哭雜人聲聞者皆涕泗哀哀我張侯同民生死誓上天點點雨

我侯點點淚出沒亂濤中危生枯木寄

司馬親駕小舟出撫恤泣巨浪覆舟抱大木得免

論爾居民各敦周恤誼傾囊爲之先指困接踵繼周章無所欠賑

貸忘勞勤老弱逮窮僻惠無遠弗屆侯曰此杯水於車薪胡濟嗟

我民瘡痍飛檄告大吏大吏如君請一封陳 九陛 帝曰爾

循良內帑萬金沛侯聞悲且喜侯力盡以瘁顆粒未及民負我

朝廷賜民數必親登胥吏絕狼狽舟穀計口授豪強絕貪覲推食

復解衣融融廣廈被市價亦以平因民惠不費此力可回天年無

豐凶異張侯我父母民命惟侯繫微侯吾其魚侯去誰其嗣傷哉

吾邑民長此洪水累辛于迄至今十歲水九至報最重催科人命

等兒戲廩發半中飽上下肆吞餌猾吏狼子心引領望災異賑吏非賑民民死吏自意衙前哭聲環日晏官猶睡罔識流離苦又因以為利因此益思侯一念一流涕霖雨不再來望侯如望歲其時先王父建節東西瀦二十七郡縣災告吾邑類賑濟廣 皇仁

全活豈萬億常存饑溺心因使羣生遂至今西湖上鐫碑誦遺愛使旌曾泣止君曾任浙中郡丞當聽頌聲載言念我先人功德同時邁以此證辦香南豐總一派司馬尊人為先中丞公門下士

饒豐字芑坪廣濟人道光庚戌進士傳詳文苑

讀寇山人遺集

布衫羸馬走天衢一擲千金膽氣麤俠骨燕秦孤劍在遺骸風雨一棺枯白雲洞冷棲元鶴鴻臚洲荒長碧蒲老向二餘齋外月殘

編猶照字模糊

何明字雪園新州人咸豐辛亥舉人傳詳文苑

贈聞必軒刺史名其政羅田人

妖雲翳楚天粵獠縱蛇蝮大帥撤江防武漢遂沈陸驛騷近六年蹂躪遍八屬義城彈丸地民氣尚醞樸談虎色已變震聳但殼鯨君聞投袂起大義喻邦族設團刑白馬矢志矜青犢航航彭長官倚任作心腹大小百餘戰賊骨滿溝瀆若論倡義功可以史筆錄去年苦亢旱長畝無粒粟官軍乏糗糲一日僅一粥匪君矢忠誠胡然響應速中原方苦兵四境尚流毒西鄙警商固東隅憂霍六君志在澄清賊勢已局促何當執鞭弭細與陰符讀

朱澤楠字小酉廣濟人咸豐壬子舉人傳詳文苑

同吳又桓江樓夜話
慷慨論時事真堪大白浮澄湖明月夜高閣晚風秋世路誰青眼
知心半白頭酒闌江上別鴻雁起汀洲

吳榮字又桓黃岡人咸豐
癸丑進士傳詳官蹟

對雨

竟欲憂天墜蒼茫百慮侵登樓王粲淚蹈海魯連心事過惟耽酒
悲來轉廢吟誅茆向何處愁對碧山深

聞帥逸齋太史南歸未以為信

莽莽風塵裏君從何處歸豺狼猶北竄烏鵲漫南飛舊侶荆高在
清時頗牧稀如聞有封事早晚進 彤扉

徐肇崑字蜀溪蘄水人同治
壬戌進士傳詳文苑

弔閔叔奎先生墓

人海重尋事渺茫珠沈月落總荒涼石門烟雨平山柳二十年前
舊草堂

諸子風流自虎賁大招何處覓騷魂野棠花老松楸哭風雨瀟瀟
冷墓門

胡醅字萬六廣濟人
諸生傳詳文苑

飛蝗謠

春不雨夏不雨飛蝗亂落如飛雨飛蝗影尙小禾苗已先槁飛蝗
引子來滿地無遺藪縣官捕蝗下鄉里縣吏徵求到雞豕徵求意
不足縣吏坐滿屋飛蝗猶自可縣吏嚇殺我

刊水行

黃州府志

卷之三十七

集部

詩

七十

有客夜宿西橫里居人爲說今年水去年水大未及山今年山在
滄波閒三月一雨至六月刊水漲溢隄崩裂田廬盡委巨浸中蛟
鱷奔騰猶未息初來突似錢塘疾雷磅礚風刁騷舳艫掀簸屋
瓦飄咄嗟人命隨波濤岸上空使哭聲號龍堂貝闕魂難招但見
白浪旬旬噴欲不可遏愁雲無色蒼天高十日五日水初定歸人
盪舟江上問水面游魚逐亂屍可憐骨肉不能認吁嗟乎人生誰
無父母恩誰無妻子無弟昆田廬漂沒可馴復骨肉慘裂徒煩冤
君不見青林湖冢墓已盡生菰蒲天寒月黑白楊樹夜夜鬼哭聲
嗚嗚

畫龍

邑閔貞圖關廟壁予作貞畫松歌後以餘墨成之末
幅感念時事致慨不再蓋不勝老杜洗兵馬之望云

誰能畫松兼畫龍龍鱗翕張如古松我來關廟尋南宗不見關廟

壁但見神物天矯蟠屈一氣凌青空得毋起螫鞭雷公不然白日
慘淡天無風胡爲溼氣滿壁雲溟濛老僧道是閔貞筆細觀令我
增太息我聞曹不興畫龍致雷雨又聞張僧繇點睛卽飛舞閔貞
畫松松如生畫龍何獨龍不靈方今赤旱一千里兵塵瀕洞何時
已眞龍不出豕涉波月離於畢無滂沱貞乎貞乎奈若何

朱小酉隸書歌

我聞鴻都石經刻往來摹搨街衢塞又聞逸少隸法工飄若浮雲
矯若龍古今不少能事手劍折星懸無不有鍾繇梁鵠號神工唐
惟蔡李兼韓叟我朝健者伊何人二百年數王孟津太原傅山亦
超逸顧蒼鄭簠皆通神君今飲水源頭尋學書專學程元岑墨池
十載堪染襟星陳雲布根吾心天地悠悠幾藝林墨汁一縷如懸

黃州府志卷之三十七上終
鉞盡收元氣空古今憶昔黃州同作客麝煤魚網來絡繹座上欲
嚙工倕指海外正索蕭雲蹟高堂積紙高於軒君每終日持酒罇
忽然倚醉濡大筆百幅溪藤一時畢豪氣直從指端出有時靜坐
忽遣興字體清瘦筆愈勁白日橫空冷戰場鐵兵相向排生硬吁
嗟乎古人雖往餘典型俗書工媚難通靈豐豐東宋時徑庭君也
落拓不得一斗粟誰向明堂書六經

黃州府志卷之三十七上終

黃州府志卷之三十七下

黃州府知府英 啟纂輯

藝文志

集部 外籍詩附

唐

杜

牧 字牧之樊川人泰和間
官黃州刺史傳詳秩官

齊安郡晚秋

柳岸風來影漸疎使君家似野人居雲容水態還堪賞嘯意歌懷
亦自如雨暗殘燈棋散後酒醒孤枕雁來初可憐赤壁爭雄渡唯
有蓑翁坐釣魚

齊安郡中偶題

兩竿落日溪橋上半縷輕煙柳影中多少綠荷相倚恨一時迴首
背西風

齊安郡後池

菱透浮萍綠錦池夏鶯千囀弄薔薇盡日無人看微雨鴛鴦相對
浴紅衣

黃州竹徑

竹岡盤小徑屈折鬪蛇來三年得歸去知遠幾千迴

劉禹錫

字夢得彭城人官至檢校禮部尚書

送蘄州李郎中赴任

楚關蘄水路非賒東望雲山日夕嘉薤葉照人呈夏簟松花滿椀
試新茶樓中飲興因明月江上詩情爲晚霞此地交情長引領早

將元髮到京華

白居易

字樂天彭山人官至刑部尚書

寄蘄春李使君播

下車書奏龔黃課動筆詩傳鮑謝風江郡謳吟誇杜母洛城歡飲
會車公笛愁春盡梅花裏簟冷秋生薤葉中不道蘄州歌酒少使
君雅興與誰同

趙嘏

字承祐山陽人官終渭南尉

齊安早秋

流年堪惜又堪驚砧杵秋來滿郡城高鳥過時秋色動征帆落處
暮雲平思家正歎江南景聽角仍含塞北情此日沾襟念歧路不
知何處是前程

戴叔倫 字幼公金壇人官至撫州刺史容管經略使

蕪州行營作

蕪水城西向北看
桃花落盡柳花殘
朱旗半捲山川小
白馬連嘶草樹寒

方干 字雄飛桐廬人應舉不遇身後以宰臣張文蔚奏追賜及第

黃州

弭節齊安郡
孤城百戰殘
傍村林有虎
帶郭縣無官
暮角梅花怨
清江桂影寒
黍離緣底事
撩我起長歎

宋

司馬光 字君實陝州夏縣人官至左僕射贈太師溫國公諡文正

和吳仲庶寄吳瑛比部道安之子壯年致仕歸隱蕪春

負米承顏願已賒 遭母憂服除遂致仕恥隨雞鶩啄泥沙
一朝投絃真高士

萬卷藏書舊世家
齒髮未衰非藥物
山林不返為雲霞
龐眉尙有

郎潛者徇祿憂生直可嗟

蘇軾 見前古文

十二月二十九日蒙國恩責授檢校水部員外郎黃州團練

副使

平生文字為吾累
此去聲名不厭低
塞上縱歸他日馬
城東不鬪少年雞
休官彭澤貧無酒
隱几維摩病有妻
堪笑睢陽老從事
為予投檄向江西

自注子由聞予下獄乞以官爵贖予罪貶筠州監酒

張先生 并序

先生不知其名黃州故縣人本姓盧為張氏所養陽狂垢汚寒暑不能侵常獨行市中夜或不知其所止往來者欲見之

多不能致余試使人召之欣然而來既至立而不言與之言不應使之坐不可但俯仰熟視傳舍堂中久之而去夫孰非傳舍者是中竟何有乎然余以有思惟心追躡其意蓋未得也

熟視空堂竟不言故應知我未天全肯來傳舍人皆說能致先生子亦賢脫屣不妨眠糞屋流漸爭看浴冰川士廉豈識桃椎妙妄意稱量未必然

初到黃州

自笑生平為口忙老來事業轉荒唐長江遶郭知魚美好竹連山覺筍香逐客不妨員外置詩人例作水曹郎只慚無補絲毫事尙費官家壓酒囊自注檢校官例折支多得退酒囊

陳季常自岐亭見訪郡中及舊州諸豪爭欲邀致之戲作陳

孟公詩一首

孟公好飲甯論斗醉後關門防客走不妨閑過左阿君百謫終為賢太守老君閭里自浮沈笑問松柏何苦心忽然載酒從陋巷為愛揚雄作酒箴長安富兒求一過千金壽君君笑唾汝家安得客孟公從來只識陳驚坐

石芝 并引

元豐三年軾在黃州五月十一日癸酉夜夢遊何人家開堂西門有小園古井井上皆蒼石石上生紫藤如龍枝葉如赤箭主人言此石芝也余率爾折食一枝眾皆驚笑其味如雞蘇而甘明日作此詩

空堂明月清且新幽人睡息來初勻了然非夢亦非覺有人夜呼祁孔賓披衣相從到何許朱闌碧井開瓊戶忽驚石上堆龍蛇玉芝紫筍生無數鏘然敲折青珊瑚味如蜜藕和雞蘇主人相顧一拊掌滿堂坐客皆盧胡亦知洞府嘲輕脫終勝嵇康羨王烈神山

黃州凡三卷之三十一
一合五百年風吹石髓堅如鐵

正月與子由別於陳州五月子由復至齊安以詩迎之

驚塵急雪滿貂裘淚灑東風別宛邱又向邯鄲枕中見卻來雲夢
澤南求睽離動作三年計牽挽當為十日留早晚青山映黃髮相
看萬事一時休

姪安節遠來夜坐

南來不覺歲崢嶸坐撥寒灰聽雨聲遮眼文書元不讀伴人燈火
亦多情嗟予潦倒無歸日念汝蹉跎已半生免使韓公悲世事白
頭還對短燈檠又嘗記云元豐辛酉冬至僕在黃州姪安節不遠
千里來省飲酒樂甚使作黃鐘梁州仍令小童快
舞一曲醉後書此
以識一時之事

送安節姪

索漠齊安郡從來著放臣如何風雪裏更送獨歸人

杭州故人信至齊安

昨夜風月清夢到西湖上朝來聞好語叩戶得吳餉輕圓白曬荔
肥醃紅螺醬更將西庵茶勸我洗江瘴故人情義重說我必西向
一年兩僕夫千里間無恙相期結書社故人相約釀錢雇
僕夫一歲再至黃未怕供
詩帳僕頃以詩得罪有旨移杭取境內
所留詩杭州供數百首謂之詩帳還將夢魂去一夜到江漲

江漲杭
州橋名

黃州

南山一尺雪雪盡山蒼然澗谷深自暖梅花應已繁使君厭騎從
車馬留山前行歌招野叟共步青林閒長松得高蔭磐石堪醉眠
祇樂聽山鳥攜琴寫幽泉愛之欲忘返但苦世俗牽歸來始覺遠

黃州府志

卷之三十一

集部

外籍詩

五

明月高峰巔

太守徐君猷通守孟亨之皆不飲詩以戲之

孟嘉嗜酒桓温笑徐邈狂言孟德疑公獨未知其趣爾臣今時復
一中之風流自有高人識通介甯隨薄俗移二子有靈應撫掌吾
孫還有獨醒時

陳季常見過二首

仕宦常畏人退居還喜客君來輒館我未覺雞黍窄東坡有奇事
已種十畝麥但得君眼青不辭奴飯白

送君四十里只使一帆風江邊千樹柳落我酒杯中此行非遠別
此樂故無窮但願長如此來往一生同

寒食雨二首

自我來黃州已過三寒食年年欲惜春春去不容惜今年又苦雨
兩月秋蕭瑟臥聞海棠花泥汗臙脂雪暗中偷負去半夜真有力
何殊病少年病起頭已白

春江欲入戶雨勢來不已小屋如漁舟濛濛水雲裏空庖煮寒菜
破竈燒溼葦那知是寒食但感烏銜紙君門深九重墳墓在萬里
也擬哭途窮死灰吹不起

徐使君分新火

臨臯亭中一危坐三月清明改新火溝中枯木應笑人鑽灼不燃
誰似我黃州使君憐久病分我五更紅一朵從來破釜躍江魚只
有清詩嘲飯顆起攜蠟炬遶空屋欲事烹煎無一可爲公分作無
盡燈照破十方昏暗鏤

次韻孔毅甫久旱已而甚雨

去年東坡拾瓦礫自種黃桑三百尺今年刈草蓋雪堂日炙風吹
面如墨平生懶惰今始悔老大勤農天所直沛然例賜三尺雨造
化無心悅難測四方上下同一雲甘霖不為龍所隔俗有分龍雨蓬蒿
下溼迎曉未燈火新涼催夜織老夫作罷得甘寢臥聽牆東人響
屐奔流未已坑谷平折葦枯荷恣漂湖腐儒粗糲支百年力耕不
受眾目憐破陂漏水不耐旱人力未至求天全會當作塘徑千步
橫斷西北遮山泉四鄰相率助舉杵人人知我囊無錢明年共看
決渠雨飢飽在我甯關天誰能伴我田閒飲醉倒惟有支頭瓢

別黃州

病瘡老馬不任鞿猶向君王得做幃桑下豈無三宿戀尊前聊與

一身歸長腰尙載撐腸米闊領先裁蓋瘦衣投老江湖終不失來
時莫遣故人非

岐亭五首并引錄三首

元豐三年正月余始謫黃州至岐亭北二十五里山上有白馬青蓋來迎者則余故人陳慥季常也為留五日賦詩一篇而去明年正月復往見之季常使人勞余於中途余久不殺恐季常之為余殺也則以前韻作詩為殺戒以遺季常季常自爾不復殺而岐亭之人多化之有不食肉者其後數往見之往必作詩詩必以前韻凡余在黃四年三往見季常季常七來見余蓋相從百餘日也七年四月余量移汝州自江淮徂雒送者皆止慈湖而季常獨至九江乃復用前韻通為五篇以贈之

昨日雲陰重東風融雪汁遠林草木暗近舍烟火溼下有隱君子
嘯歌方自得知我犯寒來呼酒意頗急撫掌動鄰里遶村捉鷺鴨
房櫳鏘器聲蔬果照巾罍久聞萋蒿美初見新芽赤洗盞酌鷺黃

磨刀削熊白須與我徑醉坐睡落巾幘醒時夜向闌唧唧銅瓶泣
黃州豈云遠但恐朋友缺我當安所主君亦無此客朝來靜菴中
惟見峰巒集其一

我哀籃中蛤閉口護殘汁又哀網中魚開口吐微溼刳腸彼交病
過分我何得相逢未寒溫相勸此最急不見盧懷慎烝壺似烝鴨
坐客皆忍笑髡然發其髻不見王武子每食刀几赤琉璃載烝狔
中有人乳白盧公信寒陋衰髮得滿幘武子雖豪華未死神已泣
先生萬金璧護此一蟻缺一年如一夢百歲真過客君無廢此篇
巖詩編杜集其二

枯松強鑽膏槁竹欲瀝汁兩窮相值遇相哀莫相溼不知我與君
交遊竟何得心法幸相語頭然未爲急願爲穿雲鶴莫作將雛鴨

我行及初夏煮酒映疎幕故鄉在何許西望千山赤茲遊定安歸
東泛萬頃白一歡甯復再起舞花墮幘將行出苦語不用兒女泣
吾非固多矣君豈無一缺各念別時言閉戶謝眾客空堂淨掃地
虛白道所集其五

過江夜行武昌山聞黃州鼓角

清風弄水月銜山幽人夜渡吳王峴黃州鼓角亦多情送我南來
不辭遠江南又聞出塞曲半雜江聲作悲健誰言萬方聲一概鼉
憤龍愁爲余變我記江邊枯柳樹未死相逢真識面他年一葉沂
江來還吹此曲相迎餞

寄吳德仁兼簡陳季常

東坡先生無一錢十年永火燒丹鉛黃金可成河可塞只有霜鬢

無由元龍邱居士亦可憐談空說有夜不眠忽聞河東獅子吼拄
杖落手心茫然誰似濮陽公子賢飲酒食肉自得仙平生寓物不
留物在家學得忘家禪門前羅亞十頃田清溪繞屋花連天溪堂
醉臥呼不醒落花如雪春風顛我遊蘭溪訪清泉已辦布鞵行青
躔嵇山不是無賀老我自興盡回酒船恨我不識元魯山恨君不
識顏平原銅駝陌上會相見握手一笑三十年

蘇

轍字子由眉山人文行與兄
軾齊名官至學士謚文定

舟次慈湖以風浪留二日不得進子瞻以詩見寄作二篇

答

慚愧江淮東北風扁舟千里得相從黃州不到六十里白浪俄生
百萬重自笑一生渾類此可憐萬事不由儂夜深魂夢先飛去風
雨對牀聞曉鐘

西歸猶未有菟裘擬就南遷買一邱舟楫自能通蜀道林泉真欲
老黃州魚多釣戶應容貰酒熟鄰翁便可留從此莫言身外事功
名畢竟不如休

自黃州還江州

身浮一葉返湓城凌犯風濤日夜行把酒獨斟從睡重還家漸近
覺身輕岸回樊口依稀見日出廬山紫翠橫家住庾公樓下泊舟
人遙指岸如頰

黃庭堅

見前
古文

雙井茶送子瞻

人閒風月不到處天上玉堂森寶書想見東坡舊居士揮毫百斛
瀉明珠我家江南摘雲腴落磴霏霏雪不如爲公喚起黃州夢獨

載扁舟向五湖

戲答陳季常寄黃州山中連理松枝

故人折松寄千里想聽萬壑風泉音誰言五鬣蒼煙面猶作人閒兒女心

秦

觀字少游高郵人紹聖中編管黃州傳詳遷寓

寄陳季常

一鉤五十犗始具任公釣揭竿趣灌瀆與爾不同調先生本西蜀俠氣見英妙哀憐世閒兒細黠似黃鶴侍童雙擢玉鬢髮光可照駿馬錦障泥相隨窮海嶠平生攜手好十七登廊廟小生相吏耶徒枉尺書召暮年更折節學佛得心要鬻馬放阿樊幅巾對沈燎泠泠屋外泉兀兀原頭燒欲知山中樂萬古同一笑

張

耒字文潛淮陰人紹聖初謫監黃州酒稅傳詳遷寓

蘇叔黨呂知止自許下見訪

三年齊安看江山可當中原故人面北來塵埃逢故人眼前卻作江山見君似江山定不疎能出吾言世亦無蘇郎下筆妙無敵呂郎與談驚未識鳳雛驥子未宜輕囊空各有千金璧贈君錦繡英瓊瑤報我琅玕金錯刀溪毛潢汗未相棄歲暮與君甘縕袍

齋中列酒數壺皆齊安村醪也今日亦強飲數杯戲成絕句

奉呈邠老昆仲

曾嘗玉帝碧琳腴不醉長安市上酤作史官時歲節賜御醪飲溼先生今已

矣啜醪留得與門徒東坡詩三年黃州城乏酒但飲溼

別黃州

黃州府志卷之三十一
扁舟發孤城揮手謝送者山迴地勢卷天豁江面瀉中流望赤壁
石腳插水下昏昏煙霧嶺歷歷漁樵舍居此實三載鄰里通借假
別之豈無情老淚爲一灑篙工起鳴鼓輕櫓健於馬聊爲過江宿
寂寂樊山夜

孔武仲

字常父臨江府新喻人舉進士第一官禮部侍郎出知洪州與兄文仲弟平仲世稱臨江三孔

黃州

客路深秋一轉蓬淮天牢落此將窮城開雲水蒼茫處人在茅簷
掩映中對岸武昌風月近千年赤壁是非空悠悠陳迹慵開口謾
把筠竿伴釣翁

謝

字無逸臨川人

王立之大裘軒

小人拙生事三冬臥無帳忍寒東窗底坐待朝曦上徐徐晨光照
稍稍血氣暢薰然四體和恍若醉春釀此法祕勿傳不易重裊養
君胡得此法開軒亦東向蘇公名大裘意豈在萬丈但觀名軒心
人人如挾纊

陸

字務觀晚號放翁山陰人官寶章閣待制

黃州

局促常悲類楚囚遷流還嘆學齊優江聲不盡英雄恨天地無私
草木秋萬里羈愁添白髮一帆寒日過黃州君看赤壁終陳迹生
子何須萬戶侯

楊萬里

字廷秀吉水人官至寶謨閣學士諡文節

宿黃岡

黃州府志

卷之三十一

集部

外篇詩

十一

我豈忘懷一畝居誰令愛讀數行書秋南春北雁相似柳思花情
鶯不如上市魚鰕村店酒帶花松芥晚春蔬長亭一醉非難事造
物相撩莫管渠

魏了翁

字華父蒲江人官至吏部尚書諡文靖

蘄州早起

蘄州志云楊時作

城頭雷動角聲哀似共行人怨落梅欲報晨炊梁未熟喚回殘夢
眼慵開霜清暗覺貂裘冷月澹空令犬吠催倚杖起看風正烈不
堪嘶馬重徘徊

戴復古

字式之號石屏天台黃巖人

黃州偶成

雁叫淮南欲雪天倚樓無味抱愁眠算從滄海白雲際行到黃州

赤壁邊萬事忌於懷壯志一生窮為聳吟肩鬢閒白者休教鐻要
使天知老可憐

劉克莊

字潛夫號後村莆陽人官祕閣修撰出為福建提刑

寄何立可提刑

故人握節守齊安聞說邊頭事愈難赤手募丁修險隘白頭擐甲
禦風寒半腰城甫包圍畢一把兵皆點摘殘收得去年書在架憶
君燈下展來看

聞何立可

大節李茂欽誠之計二首

初聞邊報暗吞聲想見登譙與敵爭世俗今猶疑許遠君王元未
識真卿傷心百口同臨穴極目孤城絕救兵多少虎臣提將印誰
知戰死是書生

何老長身李白鬚傳聞死尙握州符戰場便合營雙廟太學今方
出二儒史館何人徵逸事羽林無日訪遺孤病夫疇昔曾同幕西

望關山涕自濡二君皆舊同官

文天祥字宋瑞一字文山廬陵人官至右丞相加少保信國公

黃州集杜始謂虜以襄陽船自漢入江後乃知虜之未渡

桓桓陳將軍東屯大江北化作虎與豺楚星南天黑

明

陶安字主敬當塗人洪武初官黃州知府後官至江西行中書省參政傳詳秩官

齊安卽事

初入黃州市蕭然綠樹村刈茅低縛屋剖竹密編門桃李花零落
山川勢吐吞塵民來一二敬喜爲溫存

霧雨一城暗梨花三月天空梁春蟻墮疎壁暮蚊穿草密藏枯井
苔荒蝕斷甑開門山色好飛翠落吟箋

楊基字孟載其先蜀人居於吳與高啟張羽徐賁爲吳中四傑洪武中官至山西按察使

望蕪州

未見蕪州城已見蕪州山諸山初不高蒼石礪且頑想當至正時
民物庶以繁大江從西來萬里不閉關茲山獨儲英羣雄出其間
遂爲禍亂階滋蔓莫可艾憶我聞亂初我方總兩鬢侍立父祖傍
聽說國步艱馬知三十年見此董與管骨肉亦已零安得髮不斑
披榛欲弔古豺虎愴我顏蒼茫望茅宇日落孤舟還

李東陽見前古文

曉發蕪州

城曉遲吹角高雲溼未開驚波風不定危石岸將頽青入無窮草
黃低欲墮梅江湖苦留滯游宦恥凡材

李夢陽

字獻吉別號崆峒慶陽人徙扶溝宏治癸丑進士官至江西提學副使天啟中追諡景文

黃州

日落清江遠光搖赤壁山無人說吳魏來往釣舟閒

何景明

字仲默信陽州人宏治壬戌進士官至陝西提學副使

贈王稚欽

王子萬人英詩名少日成驪珠眠自抱天馬傍誰行旅食青楓改
秋吟素髮生過逢見汝意潦倒媿吾情

王廷相

字子衡河南儀封籍山西潞州人宏治壬戌進士官至兵部尚書諡肅敏

贈王稚欽

休作梁甫吟發我千古萬古哀大道無徵賢聖隱至今心膽成寒
灰矯矯馮敬通文章擅當代口語成禍胎禁錮老煙海賈誼才高
更少年獻納多在王侯先誰云絳灌不相忌卻令流落長沙天吾
宗學士難比數文炳龍鸞氣罷虎不逐長安齷齪兒低眉覩面求
憐取心存匡濟人豪英白日未墮憂天傾閭闔九門不得入大叫
直與蛟龍爭上帝不言闢者怒黑夜搶落芙蓉城芙蓉城闕隔星
辰望美人兮江之濱三閭憔悴自多事五湖放浪真賢人茫然鼓
柁不知遠窈窕遊盡江南春紫清仙人笑相友不如且樂邱園身
君今莫邪尚在無欲剽兇象須吾徒天馬之足果無恙刷雲看躍
崑崙都里中小兒不省事鬪雞賭狗矜頭顱君不見朝歌屠叟稱
偃蹇八十垂竿渭陽岸時來款作明良師分土營邱未云晚

童承緒

字士疇河陽人正德辛巳進士官至國子監司業

黃州贈王稚欽夢澤子

三首錄二

長憶金閨彥江邊學釣魚偶乘青雀舫來造白雲廬石洞蘿煙細
松窗水月虛碧山如有約從爾卜巖居

君懷子猷興况有仲宣才乘雪舟能放登樓賦獨裁雲懸夢澤遠
江抱楚山迴知爾幽棲地茅堂秋自開

廖道南

字鳴吾蒲圻人正德辛巳進士官至侍講學士

訪王夢澤園亭

蚤謝承明署冥棲小隱園曲亭圍樹密斜圃植花繁江近吟招鶴
巖虛臥聽猿即承宣室召禮樂待敷言

王世貞

字元美太倉州人嘉靖丁未進士官至刑部尚書

王行父為稚欽先生從子師事明卿為古文辭甚工

王郎買舟千里來相詣開卷珠璣光照地不見竹林狂客阮嗣宗
得見阿咸差足慰武昌以東建詞壇吳叟首歆女捧盤齊安赤壁
一時快郢里白雪千秋寒三閩沈湘九辨作古人未解今人樂多
向維摩乞贈言不二門中無此樂

吳國倫

見前古文

王稚欽吉士

八子詩之一

維楚故有才誰為稚欽偶早歲發天秀匠心應其手高視千載前
左馬相先後甯操湘女瑟恥擊秦人缶調世如弄丸罵坐非使酒
傲然詠新篇豈復聞師友遂為禮法攻一官棄如垢傷彼荆山璞
終焉不見剖

王穉登

字百穀長洲人國子監生

梅司馬甯夏凱還

靈武名高御史驄更勞開府住雲中美人學舞魚腸劍斯養能開
兕角弓城下已無夫飲馬幕前安用客和戎不知今日麒麟閣誰
是平西第一功

茅瑞徵

見前古文

同江石鐘勘災二首

楚甸頻多難茲方更疊災停輿問桑海到處覓蒿萊風借炎蒸奪
天舒鴻雁哀撫心吾有感誰屬救時才
同是勤民出非關載酒來穿林全竹覆掃路半沙隕野老烹葵餉
村籬待客開寄言肉食者何術讚康哉

劉允昌

字燕及桐城人萬曆甲辰進士官廣濟知縣傳詳秩官

梅川署中

邑多賢長者疎拙不嗤余捐惠勤分釀傷廉數受魚非時能下榻
經歲少投書南北東西士吾將此卜居

吳應箕

字次尾貴池人明季諸生

聞易曦侯罵賊死

憶昔泊荻港適有黃州船心擬此船中曦侯或在焉曦侯亦指予
問名良復然夜半猶沽酒高談驚客眠秦淮一月聚古今皆窮穿
是時射策者四方多名賢時時來覓我相見出奇篇曦侯對我嘆
就流物理然慎子震驚意一善俾終全每感良友規誦之中心鑄
自君別我去闊晤已三年慙慙憑尺素絲邈惜山川豈知君死賊

遠有義聲傳君無一命寄君無百城專矻矻窮歲月閉廬絕市塵
著書已滿屋次第國門懸奄忽遭焚掠貫繫索金錢謂君門下士
何難質萬千君前爲致說解甲便歸田賊怒不可遏君論自便便
言窮益激厲髮指目睛圓大罵死狗奴爾罪已通天卽予老秃翁
何惜須臾延頭可一刻斷氣常萬古鮮我也念疇昔五岳崩胸前
骨鯁不在朝死綏不在邊區區徒步士曾此一髮牽招魂豈江上
淚落如流泉

蔣

易字前民
江都人

清涼山頂留別杜于皇

招提上夕陽別酒置崇岡秋老孤帆色人輕百戰場江雲平楚岸
風葉減吳霜來日空回首思君獨渺茫

國朝

吳偉業

字駿公太倉州人明崇禎
辛未進士官國子監祭酒

黃州杜退思改號蛻斯其音近而義別索詩爲贈

述志賦秋蟲孤吟御遠風掇皮忘我相換骨失衰翁畫以通靈妙
詩因入悟空杜陵更字說不肯效韓公

送杜二于皇從婁東往武陵兼簡曹司農秋岳及范僉事正

五月江村客行曉僮無朝舖馬無草路穿槐柳到柴門滿架藤花
屋灑掃與君相別定何年一見嗟余頭白早東鄰濁酒賒未到盤
格麤疏具梨棗莫怪貧家一飯難主人長飢客不飽解囊示我金
焦詩四壁波濤驚欲倒一氣元音接混茫想落千峯入飛鳥近來
此地擅時譽粉飾開元與天寶我把犁鋤倦唱酬恥畫蛾眉鬪工

貴州府志 卷之三十一
巧看君爽氣出江山始悔從前作詩少海內悠悠識者誰汝有平生故人好副相猶然臥茂林侍郎已是歸嶺表况偕少白共登臨西子湖頭月皎皎人生貧賤何足悲縱酒高歌白雲香勝絕容留我輩狂劫灰燒盡雷峯小落落窮途感快游愧我菰蘆色枯槁佳句流傳徧世間寄書早慰江潭老

龔鼎孳

字孝升合肥人明崇禎甲戌進士官蘄水知縣後官禮部尚書諡端毅傳詳秩官

壽杜于皇四十

栗里愁看甲子新天涯風物隔芳辰齊梁地老三湘月麟鳳名欺一飯身漸喜白頭經世故錯將青眼料他人蹉跎萬事成飄絮不棄狂生獨有貧

舟中值顧赤方是夜復別去紀贈

吳船楚語隔中流招手相看續舊遊多難感君期我死著書空老益人愁香薰袖草三更月酒滴離雲百里舟落日金閨遲客展座中詞賦倚應劉

胡統虞

字孝緒武陵人明崇禎癸未進士官至祕書院大學士

贈杜于皇

疾走如奔馬急歇成大悟豁然生面開天地一指顧蹴踏昆盧巔斷截葛藤樹此中誠蕭蕭何妨物來寓性情同乎人所貴在能怨狂傲全其真俯仰存其誤咄哉吉士懷煙水溪山路

魏象樞

字環極蔚州人順治丙戌進士官至刑部尚書諡敏果

贈劉千里貢士

東壁聯荆楚藜光近石渠十年名士賦七發古人書只合隆中望

難從洛下居鬚眉橫老氣龍性欲何如

兵火連江漢高人獨布衣乍銜 明詔出仍載異書歸上國驚王

粲中原想陸機仁看雲壑業不是宦情微

熊伯龍

字鍾陵漢陽人順治己丑進士官至侍講學士

次蕭文超韻輓王子雲

信美人閒未易才有才無命使人哀崢嶸桓武封前碣殘賸陰何
撥後灰死去只如耽久客生榮應已厭重回從今酒社詩籤裏那
得忘機老友來

子雲先世為司徒

施閏章

字尙白宣城人順治己丑進士官江西參議康熙己未召試博學鴻詞官翰林院侍講

放歌答蘄州顧黃公

大風發地猛獸恐巴陵欲裂衡山動洞庭七澤橫天來魚龍百怪

相喧厖黃公黃公太奇肆使我目眩失位置繁絃雜調相錯鳴語
笑無端還涕泗一代風流澹蕩人廿年烽火悲酸事君雖郢客生
在吳顧曲追歡無事無頻過幕府為揖客時傍傾城眠酒壚流離
滯迹秦公子詞賦傷心楚大夫倔強甯拋三尺組魁梧自愛千金
軀扁舟忽繫瀟江岸兩月新詩不可算脫冠半醉作佯狂舉杯欲
擲翻河漢眼中之人紛如蟻灑落如君復有幾開心剖意君不欺
吾亦分明看爾詩兩雄相值漫相許浮名身後誰當知我昔過黃
州飛騎登赤壁題詩破苔蘚長嘯響霹靂荒榛敗瓦山鬼啼玉局
仙人不可覓早知君臥北山阿悔不招尋吹鐵笛蹉跎晚相遇歲
月行將暮摧殘困簿書愁疾闕章句疊韻重篇懶唱酬紫螯黃菊
少歡聚顧黃公顧黃公紛紛馬上皆英雄金鞍玉勒橫珠弓吾曹

腐脣誇繡虎諸侯磨盾嗤雕蟲君言老去知音急此語能令雙袖
溼騶虞垂首猓猶驕枳棘爭榮蘭蕙泣空手無錢送爾歸秋燈夜
雨百憂集及今相見且盡歡君過三十我四十

臨江太守行

美高使君也
名培廬州人

臨江江水見江底太守酌之甘如醴臨江野田半荆棘太守見之
淚沾臆露冕東郊騎瘦馬牛背牧兒不肯下官齋種藥兼種蔬廚
中但有武昌魚

送黃公還

強起非君志京華豈復春懶充虎觀客閒許鹿門身冠蓋看今日
湖山讓此人狂歌自通隱未老豈長貧

周茂源

字宿來華亭人順治己
丑進士官廬州知府

廬州盧氏殉難始末

伊昔靳黃閒寇禍最慘烈官兵爲先驅貪冒同饕餮賊從上游來
萬竈化魚鼈盧公偉丈夫嬰城誓死節賊眾如蟻附交衢徧流血
骨肉相因依一朝半屠滅公當瀕死餘拒賊氣勇決登陴勸健兒
瞑目皆爲裂巖關倏焉摧鏃矢亦告竭縫掖長賤貧與城共存沒
長公閒道歸遺骸裹衰絰負土瘞舊阡殉難敘始末或死或竄亡
歷數多嗚咽烈婦楊與袁大義明霜雪楊爲紱也妻紱去成永別
自投燎火中珠胎並燔熟袁也歸震初堅貞儼積鐵從容拜姑嫜
溺井求蠲潔漆簡與丹旌采風宜首列夫何金鏡淪幽光殊未徹
純孝揚令名孤忠欽曩哲况乃黃鵠操挺然不可折庶幾楚倚相
紀美無遺缺援筆愧如椽奚庸表碑碣

黃州府志卷之二十一

王士禎字貽上山東新城人順治乙未進士官至刑部尚書謚文簡

贈葉井叔

作吏客伊洛門對嵩高山山色映終古客心長自閑朝看飛鳥沒夕對孤雲還聞昔王子喬吹笙碧落閒揮手駕白鶴一往三千年至今緱山上逸響凌紫烟夫君有仙骨雲駕如可攀游目憩嵐巔躡足升天關廬巖瀑布佳百丈聞琤潺懸流澗冬雪密樾生夏寒何當蠟屐來與君蹋飛湍

望雞籠山雪寄杜于皇

天半雞籠雪遙遙逸興偏春陰寒未散雲壑更相鮮不辨谷中樹應添巖下泉因懷杜陵叟拾橡此中眠

送金豫齋太史歸里

破額山前水依然碧玉流吾廬真可愛此外復何求名已高三館歸還讀九邱蘋花何處采遙送木蘭舟

廬岳天邊影千峯恰對門舊遊時入夢君到必窮源雪後康王谷花時陶令邨遠公相憶處共聽一聲猿

送宋牧仲別駕歸黃州

詞賦梁園憶勝遊一麾雲夢澤南州三分誰似周郎少九辨深知宋玉愁烏鵲南飛河漢轉大江東去古今流山川如此容高嘯羨汝黃泥坂下舟

送王涓來侍讀歸楚

解纜銅陵江是向黃州路不見雪堂人江關邈烟樹

熊賜履

字敬存孝感人順治戊戌進士官至大學士謚文端

黃州府志

卷之三十一

集部

外籍詩

二十一

春亭對雨柬于皇

草堂花意近風雨亂春晴修竹搖空冷殘梅入望清煙霞本故物
邱壑自多情鹿鹿胡爲者輸君學晚成

和韻答鄭肯崖

百尺書樓一畝宮蓬蒿寂寞賦歸鴻多君杖屨尋溪友共我燈檠
話醬翁鍾阜煙雲封絳帳江天暮色照詩筒寄言鼓枻臨臬者鄭
重清湘子夜風

劉

佑 字雲麓曲周人拔貢順治
間官蘄水知縣傳詳秩官

贈黃美中 正色

江夏無雙道自尊羨君白髮老邱樊孤琴有客尋蘿徑五柳何年
蔭竹門白練題詩驚北里清樽邀友過南村但期叔度頻相訪小

閣秋高聽夜猿

贈官綬之 撫邦

稍嘗世味卽抽簪不學劉郎問大鈞延客花枝代塵尾著書松體
徧龍鱗幾年裘馬稱豪士此日溪山作道民贈我新詩投紵帶通
家孔李有誰親

贈邢侗士 子愿

雞林文價重浠川俠骨奇情祇自憐山色憑欄青入座湖光載酒
綠沈船臨池筆洗羲之墨留客茶烹陸羽泉待我簿書稍屏卻杖
藜穿破一溪煙

李

恕 字相如肇慶
人傳詳遷寓

寫寒山圖題寄蘄水程尼城 元宜

二十年來滯雙趾拓落論交少知己削迹難投逐客書獨採江離
向湘水一杯對飲哭燈前搔首捋鬚吟可憐半夜開門問山鬼山
鬼不應星河懸且喜蘭谿入金谷修竹池塘帶書屋無端移去傍
他人不見鳴鶯見橙木買山下居途亦窮老僧沽酒酣老翁只言
方外得怡悅誰料逢君蕭寺中逢君索我寫詩句又索枯毫寫枯
樹英年意氣干霄雲邂逅之間已如故何不結交尊貴人老夫耄
矣病且貧安得爲君致高譽世人寶玉君寶珉王屋歸來未相見
一瘡再瘡長瞑眩欲往從之霜露繁咫尺金牛隔鄉縣寄將一幅
寒山圖紅樹蒼松無處無請看別有歲寒意腕下毫端無老夫

宋

犖字牧仲商邱人康熙初由廕生考授黃州通判後官至吏部尚書傳詳秩官

東齋作

官衙類荒村高齋莽寥廓几席控江湖軒楹帶巖壑往往山水音
泠然座中作牆隅竹與蕉枝葉相參錯嚴霜旦夕來顏色已非昨
臨風步廣除顧念修名薄載咏素餐詩于焉發內忤

秋日樹下同張長人小飲用魏文帝芙蓉池韻

暇日勤種植翦鬱成小園修篁映遠岫嘉樹帶通川涼秋八九月
露氣下高天迴颿吹落葉蕭颯來我前斜陽隱榛薄圓月挂林間
黃花相照耀晚景何新鮮舉觴偕勝友嚼蘂慕眞仙無煩稱隱遜
卽此樂長年

陳維崧

字其年宜興人康熙己未以諸生召試博學鴻詞官翰林院檢討

歌贈杜于皇

我昔住冶城家近石子岡魏收能弄戟敬則解拍張江東冠蓋爭

輻輳臺下山川本鬱蒼一代清流歸太學六朝豔曲有諸郎至尊
畫坐黃金牀牙籤堆滿中書堂瑤星不動澄少海二十八宿羅文
昌肥牛大肉啖崔蔡輕軒細馬馱班揚中官赤棒避文士布衣白
哈多輝光杜陵二十游京國青春彩筆增顏色豈惟公等增顏色
僕亦翩翩有人識風塵瀕洞羣僮來華林賓客安在哉杜陵老大
不得志頭白只向江頭哀蜀岡柳絮正堪把逢君揚州古城下揚
州酒價不肯低眼看高樓淚如瀉君不見飛龍殿下諸小兒轟隱
夾路青絲騎又不見東家買得近蹴跋人奴詎受侯家管天生此
輩本俊物爾曹嗷嗷空爾爲

朱彝尊

字錫鬯秀水人康熙己未以布衣
召試博學鴻詞官翰林院檢討

同諸君聖安寺餞曹檢討宜溥

載酒入古寺柳林東湖頭將以送遠人豈惟恣讌遊精廬金源舊
香乳塗白牛二帝一宸妃遺像堂中留更聞王萬石辭榮返故邱
傾城出祖餞於此聚行軛古來離別地草木常先秋火雷焚怪柏
霜葉鳴老楸雖乏斷碣存陳迹尙可求曹子酒大戶十榼飲不休
一朝忽言去無以申綢繆列席庭槐陰日午風修修窈窕截竹節
主客互勸酬未知臨歧語遠合古人不坐久林鴉集斜照忽已流
並馬歸道南明發期登舟一帆挂楚澤百尺臥竹樓川涂日以邈
何以寫我愁夢爲黃衣蝶飛繞崢嶸洲

送陳舍人

大章歸黃岡

君姿玉山並君詩白雪高豈意采風人力不及楚騷策馬去京國
卻佩腰閒刀深甕虎文韉短後茶色袍但愁別須臾何用心鬱陶

素業在黃岡潮田滿江皋烏犍三百尾種秫持作醪暇搜耆舊文
筆秃猩猩毫少年能著書此事亦足豪何時涉夏澳共爾浮金舸

讀葉司城封嵩游草賦贈

客居通潞春復冬有如飢鳥仍投籠平生夢寐在五岳垂老未覩
嵩陽峯峯頭玉女定笑我那不控鶴鞭癡龍瓊漿勿飲良可惜白
髮滿鏡徒愁容葉君昔年宰登封莓苔洗字尋石淙霞梯高高入
百丈筍鞵踏徧青芙蓉廬巖瀑飛一匹布鐵梁峽偃千年松仙人
十六時相逢閒吹鵝管向明月有時髻插三花穠漸州俞叟與君
往來熟言君愛奇恆未足開筵爲蒸玉面狸行樂曾騎雪色鹿測
景還登測景臺逍遙宛在逍遙谷偶然長嘯百里聞每遇殘碑三
日讀不見囊中金石編何殊集古歐陽錄崇文門西車擊轂十里

黃塵眯人目下馬尋君道名姓一笑情親爲鄉曲投我嵩陽詠百
篇勝聽哀絲與豪竹近來海內工詩格新城王君最雄獨一見君
詩許絕倫同調由來賞心速君今司城名藉甚栗果少年齊足踟
入門廳事半栽花插架圖書尙連屋作吏如君良不俗閒從巷北
期王君更許高齋醉醺醺巾箱圖書恣臥遊豈必盧鴻草堂宿

別杜二于皇

石城烽火後孤客轉浮沈乞食來吳市爲園失漢陰襄陽耆舊傳
荆楚歲時心還復扁舟去淒其洛下吟

寄賈黃州鉉

近聞南紀賈黃州到日題詩滿竹樓畫永清香凝列戟月明赤壁
愛停舟棘鍼花鳥真無敵水墨雲山不易求別後相思意何限可

能尺幅寄輕郵

送金豫齋太史歸里

謫居人海我未還君亦捐佩蛾眉班忽攜紅藤杖七尺歸臥黃篔樓三閒編肥筍香酒戶大月明風熟漁舟閒有時橫江逐孤鶴一聲長笛開心顏

潘

耒 字次耕吳江人康熙己未以布衣召試博學鴻詞官翰林院檢討

贈杜于皇

男兒無家復無國六合飄然一孤客客行落落雲出岑其去無跡來無心山水佳處便淹泊偶然相逢不可尋黃岡豪士世無偶胸吞雲夢者八九神鷹鍛翮不能飛丹青碧海將安歸三十年來泛江舸大塊無塵能著我商山須眉大澤裘遊戲人間無不可往年

訪友揚州城州人喧呼看歲星如雲冠蓋趨門庭先生酣眠醉不醒醒時洗眼焦山青金焦如螺意不快一葉翩然下江瀨青邱方壺不可期白龍赤鯉遙相待我亦汗漫之遐方束髮結交多老蒼惟翁差池未識面江雲關樹空相望錫山葉脫蠡湖朗散步禪房見筇杖怪來避地已經年笑我勞勞逐塵鞅昆明劫火方洞然老鼇抃山波接天土偶桃人莫相笑久客會有還山年先生無事但晏眠大瓢滿酌清冷泉君不見君家杜陵喪家者茅屋秋風淚盈把揮淚高歌洗兵馬

賈

鉉 字可齋鑲藍旗監生康熙中官黃州知府

畫竹碑立坡仙亭

寫此凌霜玉兩竿稜稜傲骨耐嚴寒坡公梅樹萊公柏許作同心

三友看

查慎行

字初白海甯州人康熙癸未進士官翰林院編修

題明興安州牧金公與游擊唐通手書後

公諱之純字健之黃州廣濟人

公守興安日明當甲戌年廟堂全局壞山谷一城堅餉匱雖難繼民貧實可憐飛書留片紙辛苦想籌邊

費錫璜

字滋衡新繁人費此度次子

黃州覽古和王方若

案方若名式丹一號樓村寶應人

樊城夏口鬱蒼茫烟樹離離隱武昌江上靈濤飛白馬墓前妖梓化紅羊傷春杜宇啼亡國映血桃花開戰場何處風光不堪弔山河滿目酒盈觴

銅鼓聲催戰伐頻女王故跡已成塵烏飛夜月思名將蝶化春衣

痛美人斷雨荒汀迷夏隩斜陽故壘記春申涉江歌罷芙蓉死芳草於今不復新

萬嶺千峯擁大崎孤城殘堞晚笳悲青山白骨埋紅粉碧草黃花怨赤眉寒月偏于官署照春風莫近女牆吹栖烏未定驚三市夜夜哀鳴知為誰

直北雄關鎖虎頭東西形勝扼江流愁聞弱國分南戒忍見強藩據上游王謝未銷宣武恥張韓難復靖康仇江干到處生春草閱盡興亡是白鷗

貪看水鳥戲蒹葭獨坐山城到日斜羣盜何心亂江漢諸公無策靖風沙秋魂燈火刀頭血春女胭脂鏡裏花惆悵千秋衫袖溼非關月夜聽琵琶

夏力恕

字觀川孝感人康熙辛丑進士官翰林院編修

冬夜長

為黃岡周烈婦張氏作

冬夜長新嫁娘欲眠未眠在夫牀鄰雞初號燈無光殮夫夫未亡
篋內有衣裳夫亡妾先亡門外有橫塘橫塘一入天茫茫哀魂迸
起相翱翔堂上無姑舅目瞽撫兒聽息不可數長呼新婦已終古
翁之幼子曳翁行墓門雙鬼泣寒冰夜夜牽牛織女星

得黃岡杜茶村未刻三種二首

江南遺稿竟凋殘變雅堂從舊里看十廟有家啼鳥換三江無火
夜螢寒野雲流破生前夢滄海橫飛筆下瀾况是楚風淪落盡把
君詩卷一加餐

曾倚金陵北郭看草堂無路百花殘女牆歷歷孤藤蔓翁仲蕭蕭

夾道寒江水六朝人夢覺秦淮雙槩月汎瀾誰家樓閣能消受猶
供當年野客餐

王心敬

字澧川鄂縣人諸生雍正中舉賢良方正兩徵不赴

西亭感興呈華西先生八首之二

春風桃李盡芳顏花落公庭訟自閒莫向山頭尋姑射使君公署
有仙山

春晴雲盡楚江天惠日清風萬里煙漫羨蘇公銘孟震重題君子
待新泉

遊赤壁讀賈可齋太守石刻留題

處處登臨見手題春風憶舊每生悲黃州墨妙留名勝盡是他年
墮淚碑

程大中

字奉時應城人乾隆庚午舉人官蘄州學正後丁丑成進士傳詳秩官

三十六水帛林徵君

松坡居士老還山大隱終年不出關三十六灣秋水碧飄零詩句落人間

胡紹鼎

字牧亭孝感人乾隆甲戌會元官御史

靖果園先生輓詩

大用窮經得高言實事餘哲人今已沒論者復何如若祭當於社將傳信此書顧瞻思往路霜葉曉風初

十五年前別三千里外遊月明廬阜夜木落洞庭秋爾日遲相聞

良辰遂不留寄言懷孝子後起見貽謀

周

凱字芸皋富陽人嘉慶辛未進士道光初官漢黃德道

王孝子歌

霖雨十日不肯止山水陡然十丈起衝田蕩屋人化魚中有瑯琊一孝子孝子家無升斗儲舌耕養父悲母死母棺灰積三年塵亦效董永欲賣身賣身誰復奉厥父夜讀寒燈寸心苦忽驚風雨排山來水聲挾之喧如雷三閒茅屋詎足庇母棺欲漂肝腸摧時也厥父客鄂渚仰天大慟天亦哀父生尙可親串依計惟隨母歸泉臺以身隨母棺出入翻波瀾波瀾倒影影接天天鑒孝子將終焉默遣河伯驅江水風雨逆行三十里孝子生還棺亦存共慶重生護桑梓吁嗟乎孝能格天理不枉得士如斯重吾黨作歌用勸讀書人君不見蘄州孝子王元長

王乃斌

字香雪山和人著有紅蝠山房詩鈔

古樟歌

斡州麟山有古樟三株舊傳明末張獻忠陷斡夜見三人擐甲持戈護城疑卽三樟樹神也

孝陵樹枯明社屋烈帝諸臣如朽木傳聞流寇陷斡陽麒麟山頭
鬼夜哭山中老樹鬱奇氣連理三株伯仲季不誇衣錦遇錢鏐曾
見論功坐馮異託根劫歷明山河高寒不改凌霜柯羅平妖鳥忽
飛到虬枝怒奮如瑀戈此際風雲助叱咤羣驚天上將軍下葉戰
蕭蕭賊膽寒貞心凜凜達官怕吁嗟乎一木難支大廈傾空山雨
露沐時清行人尙識古樟樹宰木飄零康壽卿

楊庚

字少白江安人嘉慶辛酉拔貢癸酉舉人道光中官黃州知府傳詳秩官

黃州中秋

半年慄慄守黃州敢學坡翁樂此遊故國四千餘里路他鄉三十
六中秋魚龍漲退江隄鞏鴻雁聲嗷廩粟謀省識同僚籌畫苦銜

杯漫對月當頭

陶

字彛薌長洲人嘉慶戊辰進士道光間官漢黃德道後官禮部侍郎

黃州雜事詩三十首

騎馬京華謁選忙偶同吟侶探春芳誰知古寺留詩識眞到黃州

看海棠

道光壬寅三月余在京師偕葉駕部東卿徐侍御星伯遊任湘南旋奉有量移之命遂來齊安不可謂非詩識云

閒憑戰壘說孫劉弔古還來赤壁遊不管興亡多少事大江日夜

向東流

赤壁在漢川門外距城數武蘇子瞻遊此作賦遂指爲吳魏鏖戰之地山上樓閣頗多明末悉燬嗣經屢次修葺今已漸復舊觀矣

讀書堂好傍叢林環珮空勞月夜臨比似維摩方丈室散花天女

試禪心

讀書堂在安國寺宋韓琦侍兄琚守黃時嘗于西廡讀書又天女事見宋薛季瑄二女篇序

朱欄畫檻俯江流題壁元之好句留夜靜水光搖萬頃何人曾上

月波樓月波樓宋王禹偁詩序日月波之名不知得於誰氏故老皆無聞焉因作古詩一章凡六百八十字嵌於樓壁云

隔江隱隱樹青蔥聞說吳王有故宮暮靄朝煙看不盡西山日在

浪花中西山在武昌縣境內相傳三國時孫權避暑於此上有宮殿與黃州城隔江對峙

渡頭芳草碧痕深鼓枻遙傳隔浦音應識靈均憔悴甚采蘭澤畔

慣行吟蘭谿驛

文酒肩隨笑語同涵暉名在舊樓空集編花萼尋常事勳業何人

似魏公涵暉樓在縣西南宋張安國書其額曰無盡藏樓韓魏公

名重人呼作黨魁一重公案在烏臺湖州不幸黃州幸題徧江山

要此才按東坡年譜元豐二年七月在湖州因到任謝表得罪追攝赴臺十二月二十九日責授黃州團練副使

遂音遙辨俗工非載酒人來舊石磯難得扁舟逢李委新詞一曲

鶴南飛紀年錄十二月十九東坡生日也置酒赤壁磯下踞高峯俯鶴巢酒酣遂聲起於江上客有郭古二生頗知音謂坡

日遂聲有新意非俗工也使人問之則進士李委聞坡生日作新

曲鶴南飛以獻呼之使前則青巾紫裘腰篋而已既奏新曲又快

作數弄嘹然有穿雲裂石之聲坐客皆引滿醉

倒委求詩作一絕句王郎以詩見慶次其韻

犖确坡頭路未平營田覓得試躬耕阿誰隴上同勞苦甘載相從

馬正卿東坡八首詩序余至黃州二年日以困匱故人馬正卿哀余乏食為於郡中請故營地數十畝使得躬耕其中地既

久荒為茨棘瓦礫之場而歲又大旱墾闢之勞筋力殆盡釋耒而

歎乃作是詩末首云馬生本窮士從我二十年日夜望我貴求分

買山錢我今反累生借耕輟茲田

雞黍頻邀玉局仙豪游爭識寓公賢方山去後風流盡寂寞岐亭

五百年東坡詩集陳季常自岐亭過訪郡中及舊州諸豪爭欲邀致之有戲作陳孟公詩又有季常見過詩云君來輒館我

未覺雞黍宰

空中神語是耶非一逕通幽掩竹扉憂患從來緣識字好憑天篆

悟元機東坡詩集是日偶至野人汪氏居有神降於其室自稱天

松寮茅舍傍雲根隨意閒尋近郭邨我比坡公多束縛不曾日日

出東門東坡詩有日出東門步尋東

半載山城苦索居東家問徧苦無書何人得似王齊萬散盡黃金

買百車東坡詩集有王齊萬秀才詩君家稻田冠西蜀博玉揚珠

論命散盡黃金如轉燭惟餘舊書一百車方舟載入荆江曲江上

青山亦何有伍洲遙望劉郎數明朝寒食當過君請殺耕牛壓私

酒與君飲酒細論文酒酣訪古江之濱

仲謀公瑾不須弔一醉波神英烈君

五載栖遲即故鄉借他邠老過重陽蠻煙瘴雨南遷日倍覺歸心

負雪堂按東坡圖云郡人潘邠老及弟大觀俱以詩知名多從先

州五絕云萬古仇池穴歸心負雪堂

舊院迴車路儼然南堂遺址賸荒煙西來消盡峨嵋雪春水生時

浪接天齊安拾遺夏漢口之側本水驛有亭曰臨皋郡人以驛之

乃古之迴車院也蘇軾曾寓居嘗曰亭

下大江半是峨嵋雪水為築南堂於此

一谿明月景偏饒譜就新聲引鳳簫嘶過玉驄芳草地醉眠記得

綠楊橋東坡綠楊橋西江月詞遍野瀾瀾淺浪橫空暖暖微霄障

瓊瑤解鞍敲枕綠楊橋杜宇數聲春曉按郡志綠

楊橋在城東蘇軾曾醉臥其上作綠楊橋詞因名

淪落天涯悔已遲奇才畢竟九重知憐君曠世還相感為洗蒼苔

讀舊碑按先生安國寺碑記建

飯罷闍黎比挂單觀空便欲借蒲團慣來小院留遺蔭修竹森森

綠萬竿安國寺東院有竹甚茂傳為

坡公憩息之所額曰般若舟

一泓止水暗泉通挹注原知用不窮五百年前曾洗墨硯池還在

黃州府志

卷之三十一

雪堂東

洗墨池在今府治雪堂東首

四望亭邊

杖攜悠然碧水浸深池浮萍合處蛙聲滿又是斜陽

過雨時

東坡詩集有雨晴後步至四望亭下魚池上詩云雨過浮萍合蛙聲滿四鄰

宿草離離認故阡遺書猶在感前賢山中近日紛傳說採藥曾逢

李鄴仙

郡志李之泌字鄴仙黃岡諸生精王弼京房之學屢徵不起著有夙知錄

鍾山深處掩蓬門海內空傳處士尊香火年年祠廟在梅花時節

與招魂

縣志杜濬字于皇一號茶村流寓金陵隱居不仕近日黃郡紳士為建祠堂於學宮旁正月十七日祀之蓋茶村誕

也

人間兩見娑羅樹淨土相依歲月深連苗三株原一本凌雲直幹

已千尋

娑羅樹在安國寺旁一本分三株結子纍纍據醫家云可治肝胃疾徐蓉舫太守云南京亦有此樹在燕子磯廣濟

寺內高尙不及此樹之半云

閱歷深知蜀道難要將片石砥迴瀾宦途更比川江險行到中流

怕激湍

郡志迴瀾石在城南蘇軾鐫激湍二字謹案迴瀾石其上明成化閒知縣潘珣因建迴瀾亭在蕪水縣南

土風荆楚傳來舊除夕家家祀竈同卻怪歲時偏失記浮燈潔釜

卜年豐

郡志載李之泌詩序云吾黃里俗除夕潔釜浮燈祀竈祝歲之豐歉物之饒乏徵兆於此往往確驗過時視之則隱故人有知有不知者昨夜家釜浮粒有七圓明肥潤諦視真蚤利米無他種乃為釜粒行以紀之俾異日採

風者收入歲時風俗志亦一事也

喧傳價貴洛陽箋換比桃符一色鮮聞得新韶招利市裁成五彩

帖門前

黃俗每於歲首剪彩紙門邊牆腳遍帖之他郡未之見也

遺來蜀客種常留豆莢槐芽滿地收帶得霜濃論擔賣至今老圃

說元修

東坡詩集元修菜詩引曰菜之美者有吾鄉之巢故人巢元修嗜之余亦嗜之元修云使孔北海見當復云吾家菜

耶因謂之元修菜余去鄉十有五年思而不可得元修適自蜀來見余於黃乃作是詩使歸致其子而種之東坡之下云彼美君家

黃州府志

卷之三十一

集部

外篇詩

三十三

菜鋪田綠茸苴豆莢圓且小槐芽細而豐種之秋雨餘擢秀繁霜中

羹材早已食單儲舉網人來慣趁墟怪底登盤滋味美新從樊口

獲鱖魚郡志鱖魚出樊口者佳

手擘黃甘欲薦新素羅香惹淚沾巾回頭三十年前事 恩

賚曾叨侍從臣案東坡集有黃州食甘詩云一雙羅帕未分珍林下先嘗愧逐臣憶嘉慶乙亥余以講官扈

蹕兩陵仰蒙寵賚蒼梧回首不禁泣然

張維屏字南山番禺人道光壬午進士歷官黃梅廣濟兩縣知縣傳詳秩官

縣齋夜坐

吏散堂逾靜攤書對一燈微名慚已宰孤影類龕僧我信催科拙胥惟舞弊能宦途今始覺步步履春冰

黃梅春感

去年此日過吳閫短簿祠邊共泛觴紅豆寄人千里遠黃梅留我一春忙衝途迎送身如葉豪氣銷磨鬢有霜卻上孤亭懷俊逸草痕詩思滿斜陽

葛致遠字毅山畢節人道光甲辰舉人官黃岡知縣傳詳秩官

黃生作霖殉節詩

賊頭亂落刀如雪駿馬奔騰四蹠血直抵團風掃賊穴驚聞犄角孤軍折半載與我同苦辛銅筋鐵骨惟斯人臨風老淚沾衣巾寶劍折矣愁風塵

黃州府志卷之三十七下終

黃州府志卷之三十七

